

馮
訖
亭
集



漫徂亭集卷二十五

古今體詩四十七首

戊戌 己亥

十一月二十九日舟泊金山遂登絕頂同人分詠得

靜字

片帆獵獵劃風影瓜步飛來只俄頃塔鈴碎語似留客向
夕驚濤怒猶騁樓觀耽耽鍾鼓喧東望卻羨焦山靜山僧

導我玉帶樓煎茶為試中冷井因觀玉版歎劫火帶玉版

製詩於書玉版上以紫檀匣藏之詔補之鑄想見箭鋒落機警十

圍腰腹容何物四大禪牀孰坐領一從圖畫入

天題萬古雲霄拓詩境石渠寶笈有崔子忠金山留帶圖 御筆摹刻於石并鑄詩上

漫徂亭集卷二十五

方憶昔

翠華南駐此

龍爐鳳舸旌旗整從臣詞翰盡鄒枚帷幄謀謨皆魏邴年

豐民樂事多暇漕順官清政無猛遂開宛委出祕笈金山文宗

閣恭藏欽定四庫全書與揚州之文匯杭州之文淵是為江浙三閣要使淵源得修綆東

南羣儒走闕溢山脚書船達楚郢

靜瀾堂高

宮樹古靜瀾堂金山行宮聽政殿額至今父老猶望幸琅嬛雙龍守門

闕鎖鑰沈沈誰所秉亦思解帶住僧寮曉角催人江路永

次日放舟焦山步過丹徒橫牖換小舟行

解纜謝浮玉焦山青岌業沿山轉東南過焦江漸狹西風



頂莫潮水涸丹徒牖漕艘塞其吭若太阿入匣官吏走流
汗推挽力已乏東下孟河口百里如出峽同人鼓舟走談
笑陽侯狎而余獨邈迥乃用閒道法平生飽江湖見小敵
若怯江南水平遠衣帶連蒼雪坐我明鏡中泛泛同鳧鴨
回思楚粵行蹈險勢如劫斂軍就新懦要盟悔前歎羨彼
江干叟終年把鉏鋤

小舟

白板小窗扉驚沙坐自飛

船名小沙飛

樹隨漁艇聚山避漕船

歸江路何悠緬星槎孰是非便思尋范蠡湖上弄斜暉

當塗夫子九十壽辰寄詩奉祝四首

于湖秋色日清新晝錦堂開拜

履齋亭集卷二十五

二

紫綸藥籠

詩郵三

錫命青山塵海一歸人

公自丙戌告歸迄今十三年兩拜
萋苓之賜又荷賜詩每陳謝

輒蒙
旨手荅

溫世傳坡谷神仙侶

天許夔龍彊健身聞說梅花來驛使隔年先報小園春

橘不爲洲秣不田憂時心事轉殷然流民已活江南北寒

士都歸廈萬千晏子裘存鄰里煥疏家金盡子孫賢未知

洛下耆英會可有香山樂府篇

以千金助賑捐宅爲義塾
捐穀置義倉皆公歸里事

有
詔

一德幾康

帝載賡豈惟稽古重桓榮

道光癸未
於萬壽山玉瀾堂公以軍機大

詔繪十五老臣像

臣與焉御題云豈獨文章滄江青瑣歸來夢麟閣雲臺

禁省冠一德密勿惟幾康舊日名觀我真成壽者相賦詩猶似少年行無心看取階

前竹兩地高齋共此清公在官在里皆以食筭名齋

錫福端由養福來

兩朝宸翰照金鼎公七十額曰引年頤志聯曰玉潤圓繪承恩近

綠野襟期吳中簪紱華筵集天下文章慶勝開黃鶴南飛

養福長公壽考大江東去我沿洄百齡盛會從今數時倚孤星望

斗魁

雪夜綉兒霜帷課讀二圖朱蘭坡侍讀前輩珩爲其

兩太夫人作也侍讀初生父病惡兒啼母每夜襁抱

鄰族養母所三月而孤稍長出嗣嗣母汪未婚守節

課讀勤劬卒以成名侍讀以上書房傳請養歸遂

不出今主講蘇州紫陽書院

兒啼嗶嗶耶在牀展轉不寐心暗傷兒啼呱呱母在塗鄰

巷一條鐙影孤明朝耶醒問兒睡母言此兒解耶意蓬頭

來往風雪淒從此耶眠兒不啼鄰家有母養且老夜夜抱

兒啼到曉至今古木號寒雅猶似當時寄巢鳥白頭襁褓

念恩勤世上誰知縣定溫寒冰過後難重覆猛虎前頭不

忍聞

兒讀父書問阿母父兮讀書母見否母聞兒語心骨悲兒

父已歿母始歸兒如寄生竹母爲女貞木竹生自孤木自

貞兒但讀書名自成書聲鐙影霜林下落葉紛紛碎檐瓦

此時鄰兒正酣夢母淚暗涇機絲凍一朝綽楔照綵衣兒
名已成母在幃舍南舍北指嘉樹云是朱家讀書處世間
冰蘖何處無我亦傷心讀此圖朔風捲地夢橫屋萬里闌
門夜課書先君子役西陲篤藻方十三歲先
母課讀冬夜視彗星西沒爲度

石洲荅送盆梅次和

驛使誰爲寄天涯且自春不嫌官閣冷聊與客懷親籬角
和煙補牆腰帶月循知君吟思渴瓶盎亦精神君近
止酒

立春日紫薇庭小集分韻得書字呈張石洲并幕中

諸君子

江國多風雨官齋似隱居尋山幾兩屐餞歲一牀書屋有
東西陸朋來大小徐苗先路精說
文聲讀之學愛閒惟點勘驚俗得迂

○ 櫻執亭集卷二十五 四

疏古訓麇匡鼎新知關仲舒好冠吳季札奇服楚三閭吳景

韓李戟門胡光伯
張希袁皆楚材也心畫才兼擅陳伯禧
工書習羅氣有餘侯誰

稱孝友與我共蕃畬浩蕩江淮合崢嶸日月徂周南且留

滯稷下正紛拏小閣張鐙後枯腸得酒初寄梅仍悵望說

劍或軒渠客意春先覺詩懷醉更攄年來歡會處幾見月

盈虛

己亥正月二日大雪登樓曉望同石洲六弟作

春雨如夢斷復續檐聲驚曉碎寒玉披衣直上西北樓滉
瀟江天入遐矚君山渺渺墮何處縞帶一彎女牆束忽然
回風出孤寺坐送危闌壓山足眼前明滅已萬變人世何
爲苦局促回頭卻憐亭沼靜掃徑轉惜莓苔綠紫林絡石

各有態撲帽黏衣那忍觸江南氣煥冬不冰六花一飛天
兩粟去年州郡數馳報豫說豐穰驗謠俗方春盈尺事罕
覩生麥殺蝗理焉屬五十年中無此寒吠犬何須怪巴蜀
新年三日官舍靜唯有清尊照銀燭糧艘如山浦雲凍飛
輓得毋病駮瘵雪泥鴻爪無定躅忽憶尺五城南曲燕臺
舊雨更何人林表浮嵐醉初旭

丙申之冬程春海少農招客集吳紅生厲齋賞雪以林表明蠶色分韵余屬程春霆作城南雪集圖諸君錄詩其上余爲五轉韵長句附後今復展卷而春海廉峯已成古人

春雪詞四首

三日江城雪春愁滿酒杯北風送征雁那更入樓來

君山看不厭破曉幾憑闌似聽林鳥語江南無此寒

饒飢亭集卷二十五 五

飢禽啄殘粒一飽易爲恩祇有袁安卧無人爲敞門

隴麥初青候河冰再凍時梅花元自冷不敢怨春遲

京口開壩觀漕船渡江簡陳芝楣中丞 二月二日

飛輓年來事事艱每勞使節駐江關

每歲冬封壩挑河春開壩放船皆中丞親

莅其事眼看稔稻雲帆路化作金銀飯潁山

金銀二山名海上浮

槎何浩渺燕南沃壤總寬閒誰歟畫取敖倉策鄭白成規

問馬班

壹齋師寄圖三卷命題

問道圖

公年八十八目昏猶爲鄉塾師誨人不倦戲作是圖

古之卿大夫致仕爲塾師達尊尊爵齒德三者實兼資興賢

簡不帥風化之所基王道觀於鄉衆學乃不歧

儀禮鄉飲酒禮鄭注

古者年七十而致仕老於鄉里大夫名曰父
師士名曰少師而教學焉又見王制學記注
大人濟萬物

進退皆有爲後賢亦勇退退則無所施番番黃髮老徒領

宮觀祠書院差近古又以利祿糜黃金禮游士蒲輪延國

耆前席未暇煖後者徹皋比坐見書幣奔化爲田舍費絳

帳紛雲煙恍忽不可窺覓負執經徒俛俛何所之中夜求

諸幽孰爲豁其知先生但靜坐炳燭光如曦羔鴈不敢瀆

天下欽風儀懸車十餘年間里無羣嬉納之左右塾導以

九達達口講復指畫猶云目力疲百年且就見神明安有

衰側聞軒轅氏不遺空同咨大道非察察金鑑乃在茲

我與我周旋圖 公彙生平小像自十七至八十四歲共九像合摹一卷

把卷垂竿自在身求詩問法總天真觀河面皺須臾事數

侵仇亭集卷二十五 六

盡恒沙幾輩人 公有觀河圖乃十七歲七十歲兩像合軸

曾荷

天題在

御屏靈光落落駐丹青江湖賸有巖陵老知是雲臺第幾

星 卷中有玉瀾堂錫宴老臣畫像

九老圖成似解嘲無端黃髮笑垂髫昇平橋畔誰相識祇

有仙人王子喬 謂子卿先生昇平橋公所居也

早悟禪牀四大空聊將蹤跡託飛鴻不須團扇家家畫萬

樹梅花一放翁

書餞圖 公詩序云道光乙酉冬將乞休先期載書南歸作餞書圖丙申之夏兩日忽盲束書

不觀者累月因作書餞圖昔者我爲主書爲客今者書爲主我爲客矣諺所謂瞎說耳然亦諷夫有

書不讀及不瞎
而不讀書者

非人磨墨磨人坡老此言誰與倫達人妙喻無不可曰
我餞書書餞我憶昔我公餞書歸歸心早逐車塵飛賤子
作文侍公燕謂公直以書自餞公之出處書與俱何爲主
客分區區世人讀書讀以目公獨曾有光明燭年來存神
要默識偶以此圖爲游戲日昨遺我尺素書上有驪珠四
百字元精炯炯貫當中揮毫落紙猶如風乃知返觀有微
意意在炳燭發羣矇我公今年年九十

龍章鳳藻

恩波及長恩長恩亦有榮

書神名長恩畫作
神像冠佩持爵狀

瓊裾玉佩來

相迎金鑑千秋作眉壽牙籤萬軸還眼明願公惜取讎書

○ 漫叟亭集卷二十五

七

力但寫青山好顏色山中松煙劇易得不信世有磨人墨
上已後一日徐州城外校射二首

鑊闔深沈不見春春風吹送馬蹄塵擊毬膾有場千步學
劍空聞敵萬人城郭桃花隨駿足郊原麥氣壓龍鱗華林
況值暄妍日但覺旌旗熨眼新

猛士詩人安在哉斬蛇戲馬總堪哀一從劉項悲歌後併
入韓蘇感慨來天外臯禽何灑落原頭野雉莫疑猜江山
文藻評量徧始信徐方出異才

海州五首送張石洲入都

明月出東海庭樹翳其光仰觀天宇高衆星何輝煌歲星
與熒惑各據大微旁埴獨近月東睽睽如相望嗟爾土之

精幾年周天行似畏望舒實翼之升角亢明月豈不低衆
星豈不昂三五會有時盈闕亦其常不聞鷄三號誰與照
屋梁

胸山不入城日日來堂上雲氣吞吐之昏旦千萬狀山色
難自主顯晦何所向海雨洗不青草木絕依傍偶被黃泥
彈錦繡汗屏障芙蓉仙人去桃花不敢放雲臺向西笑笑
爾塵容抗誰令近城市吾欲鑿疊嶂不如藐姑射冰雪出
高亮

大海日東下鴻波何時旋坐令雲臺山移置當平田山中
有神鳥毛羽五色鮮世人不能識名之曰鳳焉魯門鍾鼓
多爰居避不前嶧山無竹實孤桐私自憐翻兮鴉寥廓下

慢飢亭集卷二十五 八

視鵬垂天一飽豈所求和鳴良獨難焦尾亦不惜所惜無
成連

枯桑一何知天風日夜吼遊子一何悲遠道難爲久憂來
不可說南箕避北斗贈我錦繡段報之乏瓊玖緬懷孔北
海昔日盛賓友鸚鵡非不言鸚鵡薦意獨厚美服衆所指盈
廷誰執咎君看黃叔度千頃無不有嗣宗亦真狂臧否不
挂口

吳凜煮東海斥鹵爲膏脂利窮法數變何論官與私爾來
淮南北梟弱商亦疲大儒奮金椎長揖取高貲習俗能染
人墨翟悲素絲燕趙慷慨士交遊多新知落落戴安道王
門不可羈鹽車在太行黃金紛四馳君行慎風塵毋使衣

化緇

江陰送吳景韓大忠還靖州

胡生北去子南還光伯昨自海州入都伏雨闌風遠道艱江海不堪

頻送別舟車何處得長閒春申賓客空珠履季子碑銘有

薜斑留取西園圖畫在分明城角是君山

衣服雲山照眼明蘭橈曾泛五溪行邊隅自昔多才俊上

選誰能及老成君與梁秋潭蔣南喬皆靖州人同科拔萃中年差長一尺短檠消壯

歲四方高髻擁浮名看君讀易蕭疏甚使我論文氣亦平

穉子欣然几席親西堂燈火兩經春橘洲敢自謀生計芝

室惟求近善人瑟僖何時能了了琴書此別更諄諄亦知

清濁滄浪水未免謳思逐楚蘋兒子世長從君讀書

復仇亭集卷二十五 九

大江千里思悠悠拔劍吾方歌莫哀秋早已聞叢桂發月

明還有夜珠來鯉魚尺素宜加飢駿馬黃金尙築臺歸去

若逢騷客問爲言杞梓正需才

題陳芝楣鑿中丞个中真意圖弁序

嘉慶乙亥丙子間芝楣佐張文敏節相百齡幕居署

西偏池上百八十竿精舍嘗作小篆勝於亭曰个中

樂道光己亥仲秋權兩江督篆復居此亭錫山顧竹

碕蕙舊同幕也爲作此圖

憶昔識君食笱齋畫圖雅集陪尊疊壹齋雅集圖余兩人寫像其中君時

下榻故相邸文敏京第暇日往往城南來二十年來阻遊宦兩

載江淮五相見人生聚散那可料一紙蓬窗悟昨讀斯圖真幻

於丹陽舟中東南節制天下雄相公愛士明且融韓碑大筆宣

晉國豈特温石從烏公當時題襟五十輩坐上名流傾海

內西池竹徑為君開曰君宅日當吾代幕僚惟林少穆前輩與君文敏許以

封疆之草堂蕪沒庭梧彫平泉花木誰見招惟有數竿碧於

水秋色寸寸橫溪橋去年窗月留人住照見闌干題字處

戊戌嘉平君重宿金陵節院句云紙窗一片月相照徹清宵今年新筍秋更妍紙窗月

亦隨人圓防河講武利鹽漕龍節周巡靡不到風篁雨籜

孰主賓清夢時時逐吟嘯个中甘苦人不知圖成付與虎

頭癡竹碕竹碕識此竹老圃曾伴黃花菊菊谿文敏別號歲寒心

事今誰屬君有小印曰歲寒心事久彌堅丹山鸞鳳如雲來願君惜此琅

玕玉

侵仇亭集卷二十五 十

題唐鏡海方伯五源學舍圖 并序

廣西富川十三源皆獠人耕作之地近日尚衣冠重

禮義以民籍入庠序者有之惟宋塘三輦龍窩平市

倒水五源未改故習道光壬辰楚獠滋事方伯時奉

檄守富川為勸立義學置師教讀其俗丕變

南荒槃瓠種山居今日搖榛狉俗不改族類雜土苗我

朝文德敷設學及邊遠惟獠亦嚮化譬彼食甚鴉

帝曰作新民一字華袞邀雍正十年改苗童為新童苗卷為新卷今苗獠應試均遵此例

頓令椎髻徒衿佩出繇條粵西古山國邊氓習輕趨土學

與苗學以漸化其鬻康熙雍正間土司各屬立學嘉慶初西隆州等處及桂林府之龍勝聽柳

各縣均增置苗額富川十三源耕作兼漁樵五源地更僻

往來稀軒輅使君握兵符守禦逮蠻獠諭以團練方義勇
屹不搖教以禮讓節扑舞馴不驕授以聖人書置師作之
標使君騎馬來兒童歌且謠歌謠皆書聲厲至不待招父
老扶杖來空山聞鈞韶不知是何官但見冠纓影長跪問
使君楚粵何烽燧得毋連永間有吏誅微徭以彼蠻觸爭
使我絃誦調田疇而衣冠心臧而土饒至今芟舍樹青翠
不肯彫繫余曩使楚遠陟山乘橋出入諸峒寨問俗知淳
澆山猿力窮弱平地多客僑吞剝及巾帶坐見田廬銷躄
哉錢公議教養期久要湖南平地徭皆招戶客民冒之南
園學使曾奏准嚴禁余按試桂陽
黜平地而取山
徭蓋此意也披君學舍圖旬宣心孔昭軍書旁午中此
事何寥寥白狼槃木歌徒爲後代嘲安得漢文翁用視民
不怵

饒仇亭集卷二十五

十一

秋夜斲晴

翦燭出明月始知今夜晴雨窗一片影江縣萬家清刈稻

愁將晚袞絲惜未成似聞淮海路鳧雁宿高城今秋高堰
湖水盛漲

開壩宣洩
下游被淹

鏡海前輩岱麓耕雲圖

望雲岱麓連衡麓天與雙峰左右環一自巖鐙照松柏肥

泉終傍孝堂山

方輿紀要肥河在肥城
縣東十里源出孝堂山

膚寸溶溶滿太虛人間祇道雨隨車不知丙舍空山裏幾

載倪生手荷鋤

石田茅屋想歸耕灘水吳江感宦情料有鄰翁扶杖說十

年前聽讀書聲

句窳亭邊羨鳳飛東觀記漢章帝元年鳳集肥城縣句窳亭鸞巖迴首隔柴扉
北原只在雲深處聞道新松已合圍余服闋出山三年餘矣

題畫為孔一峯同年作

十日五日一水石王宰幾曾遭促迫鴈聲飛入筆端秋特
為先生破空碧先生結廬白雲間負米行吟日未夕湖光
山色滿衣袖蓬島應無此仙宅此圖珍惜出山前青鬢早
結歸來緣不知胷中三萬頃何地可著紅塵鞭當時同榜
人有幾把卷從頭數甲子釣竿詩卷有家風觸我鄉心四
千里襍欲亭子三重茅碧夫容與寒天高卻因一幅吳淞
水悵望并州快剪刀

襍欲亭集卷二十五 七

青浦縣城北謁孔宅敬紀

浩淼三江浦蒼茫一畝宮地當吳會左澤衍魯邦東先聖
存遺蹟初基溯寓公孔宅志孔子二十二代孫潛字景微先居梁國為漢太子少傅避地會稽遂為郡人至三十四代正為蘇州長史值隋末亂離奉避先聖衣冠寶玉葬於大盈浦上立家廟以祀子孫家焉避秦非效鮒噫漢孰知鴻卜築延康末遷流大業終衣冠遂宰木俎豆尙家風莽莽悲陵谷蕭蕭想鬱葱似聞環佩出
宋淳熙間慧日院僧疏廟隳渠得寶玉六事三壁二環一簪藏縣庠或云瘞於墓側安仰棟梁崇山
澤涵藏久

唐虞際會隆

六飛春駐蹕三泖士呼嵩麟紱傳書素

龍章捧日紅康熙四十四年三月巡幸江浙塗經青浦貢監生員孫鉉等籲請御書扁云聖蹟遺

徽聯云澤行魯邦四海人均化育裔分吳會千秋世永蒸
嘗雍正十二年詔立五代王祠乾隆十一年禮部題准
奉祀生四十四年巡撫楊魁疏奏估修五十二年知縣孫
鳳鳴重修嘉慶五年署縣事盧燮請帑重修道光三年援
案官爲練光騰馬鬣雲氣接龜蒙入室絲兼竹升階冠與
修理

童像猶吳道子儀豈叔孫通竹箭人材美林葩樂府工言
游文學粹季札篆碑豐闕里瞻斯在南行轍詎窮精靈留
舜禹廟貌儼眉瞳一席神栖煖千秋禮器充輶軒誠有幸
坊表媿無功仰睇規模壯深維教澤洪

丹題雲漢表碧蘚露霜中賢宰來鄴邑諸生識孔融

時青浦攝

令孔一峯昭鳳林重颯颯鼉鼓已逢逢繼美新堂構留良

屬冶弓喜傾程子蓋愁鑄溥王銅張壁光難蝕虞戈字待

簞況參邦彥議定亟庶民攻

奉祀生孔廣心及華亭婁縣奉賢南匯青浦諸生楊秉杞

復仇亭集卷二十五 七

等疊請修葺已捐廉爲倡並檄郡縣速議矣

盛世覃敷教羣公正協衷循牆勉偃僂冀達四門聰

聞道四首

聞道舟師出軍威震粵洋檄書問蘭頓

映咭喇國都

關市納當

郎

啻唧港脚貨船遵諭具結求入口市易

漢使龍爲節夷情虎作俎火攻非

得已要示法三章

除惡風先樹浮言雪易消但令原燎盡不限海帆遙異物

誠非寶中邦利及饒百年寬大政何以吝

天朝

物極知當返民窮望孔懷本非求蒞醬何至弃珠厓定議

先親貴狂瀾必決排終資

乾斷力萬里豁陰霾

閩粵通南極燕齊接海東越裳安測聖銅柱久銘功客逐
支機石心懸船趁風籌邊有終始不敢望歸鴻

臣調授兩
廣總督

林公時以
銜差大

侵馭亭集卷二十五

十四



引陳列兩

支機石心懸船趁風籌邊有終始不敢望歸鴻

林公時以銜差大

引陳列兩

古今體詩六十六首 庚子

元日簡陳登之 延恩

最難元日逢晴日大好今年勝去年臘雪有花民氣樂冷

衙如水長官賢已看種竹嬉雛鳳 君新抱絲 何用凌風羨紙鳶

一笑青旂豔城郭早梅香裏課春田 時攝江陰令

立春

毘陵驛致屠蘇酒陽羨鶯盛爛漫梅莫笑兒童作吳語江

城三見土牛來

題蕪湖邵未齋先生 延任 蚓唱餘音集次佚齋師韻

漫仇亭集卷二十六

無雙江夏屬黃童受學誰知有復翁老憶書聲樓翠裏 俯

校佚齋師功從先生課詞地 重披詩卷釣竿中古桐挂壁餘音在新藕

挑燈細字工 頭從君孫小璘處見遺札六種道德孝經小楷尤精絕 何幸題名容曠

尾瓣香心事兩家同

春初偕黃樹齋侍郎 符滋 奉使閩浙留題江陰西園

二首

江城官鼓靜獻歲且銜杯竹爆春聲裏梅花驛使來越吟

招遠客吳邑惜多才 吳趨行屬城咸有土吳邑最爲多 豈意輜軒史

新恩忝柏臺 正月二日奉使越五日復拜左都御史之命

司寇風裁峻文章動

主知匡廬曾識面山谷況能詩 曾爲樹齋題游廬圖 持節春先發同

舟晚更移

侍郎歲前出都余俟於毘陵江上

西園有嘉樹留取歲寒枝

太湖

寶帶橋西望太湖檣梢綫羽尙棲烏扁舟不逐鷗夷去未必黃金入畫圖

雨中過九里洲望梅花

元章妙墨留題在梅隱中書

蘭雪自號

願竟虛何意布帆煙雨

裏萬花開處我來初

曾於吳蘭雪丈坐上見王冕九里洲梅花圖

釣臺謁嚴先生祠

嚴州嚴瀨屬先生誰向春陵憶漢京釣渚臺前仍有地客星天上本無名孤懷尙不同良黨王良周黨遠見何曾爲歛彭來歛岑彭笑我披裘祠下過一竿可許倚灘聲

《幔犢亭集卷二十六

一一

自桐溪至大洋

小洋纔過大洋來西崦人家點翠苔凹凸雪峯銜日出參差粉壁界煙開繩牽短艇風鳶上路轉危灘磨螳回記取嫩晴天色好淥波如鏡照春醅

蘭谿

穀水來何駛蘭谿故作灣山開斜日駐村遠大江閒垂釣吾將隱浮槎客未還遙思北征雁已度廣陵關余於學政任內奉使

閩南眷屬自江陰還京

水碓歌

一輪橫嵌漁灘中九碓坎坎高下春居民疊石助灘勢激水使輪如使風嚴州湖衢州灘路三百里人道山田瘠不

知山田美山田種稻兼麥救民勞心善寡馳逐卻將全力
事畊稼一歲居然有三熟山有木水有竹搗竹爲紙伐木
爲舟更爲屋頭春輪官次糶錢人力旣盡天亦憐一生飽
喫山田米坐看杭州上水船

山行

浮槎日日問煙蘿又縛篋輿走澗阿麥隴碧於春水活菜
花黃比夕陽多眼前山勢迎人出夢裏灘聲撼枕過客意
漸新天漸遠卻從閩嶠憶江沱

入閩四首次雷省之比部

以誠

僊霞嶺韻

七閩天下險萬壑鬱縱橫不意周南滯翻爲嶺表行客星
銀漢聚仙嶂赤霞明洗耳池亭坐江灘無此聲

《僊霞亭集卷二十六

三

建溪雷自吼閩嶠蟄仍蟠古樹矜鱗甲奇禽惜羽翰入雲
人影細過兩日光寒亦欲題厓竹曾無彩筆干
度嶺疑無地羣峰莽刺天迴瞻關北寺橫鎖越中煙鑿壁
餘斤斧分置限水泉故知犬牙錯表裏義森然

市屋穿幽出溪橋架險通誰令山澤國乃雜漢夷風蜃氣
樓臺見漁人網罟空春疇方有事悵望使君驄

次韻樹齋夏夜步月越王山麓

江路微茫見遠郊山城睥睨俯危巢萬家得月樓臺出一
徑連雲草木包坐客胡牀聊與共參軍蠻語漸能教何人
爲寫仙屏句記取森森碧玉梢

送胡恕堂

興仁

觀察蜀中

酉水注辰谿湘江勢直達險絕造平坦浩浩千里潤憶我
別銅柱一十六裘葛君爲秦中吏治行有本末聯翩擢郡
守一麾出甌越顧視舊同學珠玉仍被褐前年過暨陽足
音履我闔豈料建谿舟峻瀨從君刺春寒訖盛暑晨曦逮
燭跋每於案牘暇抗論中情豁君今荷

帝簡露冕移祥沫惟蜀稱富庶澆俗待旋斡側聞馬峩邊
翦難有餘枿海夷利用驅山夷利用遏雷頻天失威火烈
民猶活

朝廷寬猛意張弛在省括南雲望北斗羣山翠如潑吾行
且淹留甘棠媿所芟

題常南陔

大淳

采蘭書屋圖

漫仇亭集卷二十六

四

湘水自來碧建溪如此清知君空谷意不改遠遊情一室
與之化孤芳羞爲名光風彌海嶠衆草亦專榮

宦績常河內詩懷束廣微聲施如夏雨報荅有春暉紉佩

伊誰贈援琴且自揮卽看階下竹雙玉已成圍

南陔觀察
庭前近有

慈竹
之瑞

荔支

北客淹留動十旬炎方節物幾番新如何海上離離實亦

作人間滾滾塵江綠藍紅今罷貢

道光初年
罷荔支歲貢

敕玉槃絲

籠若爲珍閒看閩譜還惆悵飽噉誰人妙寫真

曩在京師
孟蟾齋中

見東坡書荔支長幘古澗深紅
生氣遠出今不知歸何氏矣

題鄧嶰筠制軍海山眺月圖

晚晴潮退靜纖蘿秋色空明上翠螺
層市煙消三島出羊城夜迴衆仙過
舉杯對影天如鏡投筆籌邊海不波
遙想黃灣回櫂處人間指說九霄多
已亥中秋公約少穆制軍滋圃軍門登沙角礮臺望樓繪圖
題詩

銅鼓歌爲嶼筠前輩作

銅鼓有聲無文字石鼓有字乃無聲
文淵孔明蹤跡所不到駱越胡爲託
其名乃知金石非人不足壽景鍾部
鼎亦如瓦釜空雷鳴岐陽獵碣義不
辱泥垢置之太學比岫嶼若使瓊包
席裹遺自宇文周白科之材韓蘇二
公見且羞何爲作歌感歎不自休長
樂中丞梁蔭林撫軍得此兩銅鼓其一
乃贈南陽之制府楊舫桂管東道回
旌旗組練滄溟開三巖未終百粵震
銀簪跳舞謹如雷詩人猛士雜龍虎
手搗口沫辨論何雄哉君不見漢新
息嬰鑠猶傳銅馬式鏡歌鼓吹正需
才天下誰知鄧公癖

題三百三十有三士亭圖

開徑知三益爲山想一卷我來尋石
友仍值補松年歲月雲煙過風流書
畫傳延平劍終合肯逐鬱林船

康熙甲申沈心齋先生

涵

視學閩中於其署作亭植松

竹梅顏曰友清軒乾隆庚子朱竹君
先生

筠

復構補松

精舍多士人致一石鐫名其上顏曰
三百三十有三士

亭弁爲之記山左有門別爲蕉林徑
通東北隅構亭曰

不炎之亭名其林曰葉林嘉慶丙子
汪雨園先生

潤之

屬太倉王子若茂才

應綬

作圖存署中道光初年失去

庚子徐松龕觀察

繼畬

偶得之歸於吳崧甫學使

鍾駿

暑熱假觀題句并記其顛末如此

福州督署觀右旋白螺歌

百川東注天左旋地軸入海樞在天靈螺抱珠獨右轉乃
與七曜精光聯在昔乾隆歲丁未王師偶指閩海墘天風
送潮百靈埃馮螭擊鼓龍趨淵

帝謂爾衆涉大川錫爾白螺神所虔斯螺獻自藏班禪得
月之精乃水母陽侯當之走且顛維時閩臣

恩望專九拜而出登樓船鯤身鹿耳坐超越談笑不待黿
鼉鞭功成惚恍若有恃佛力亦藉

復仇亭集卷二十六

六

天威宣海邦從此得寶鎮不惟其物惟其賢大哉

皇心契真宰盧牟六合歸陶甄天西兩藏萬藩部奔走梵
唄銷戈鋌此中功德以神教精誠所至非言詮去年中山
有冊使槎路來往如登仙何況雞籠近咫尺商艘漁艇紛
洞沿爾螺有靈不可鍵海旁蜃氣莽成市安得一掃空雲
煙

題寄陳登之郡丞瑞麥圖

江南財賦藪四郡稱上腴天庾四百萬大半來東吳田戶
既有額漕丁亦有需南兌而北收輓運途何紆終年期限
迫官民交相瘡牙枿生其間蠹蝨與之俱大戶且趁趨小
戶安敢逋每於冬春交星火馳牒符官囊苦羞澀搜括及

綺襦飢飽各欲死，侏儒笑腐儒。墟里尚人煙，空場閒鳥烏。
豈無惻怛心，力不及糲鉏。江陰雖下邑，漕賦十萬餘。使君
清風來民懷，乃愉愉。一年獄訟稀，兩年盜賊無。催科敢曰
拙，撫字心則劬。以茲坐重困，所守終弗渝。眾人歎其才，我
獨賢其迂。昨秋使槎還，君意若有敷。不謂夏甸民，夏甸乃村名
有漁陽譽。油油雙歧秀，胡爲產此區。東南重稷稻，嗟爾生
亦孤。薺麥豈不有，媿無琴德孚。斯言婉以舒，畫手亦善摹。
嘉瑞不妄出，蒸黎未可愚。煦嫗覆育際，若有元氣輸。猛虎
避鳳皇，老蚌還明珠。事奇古所矧，理實今不誣。憶與君同
舟，忘機如鷗鳧。秋霖共奔禱，但願蓄沴除。觀湖偶一笑，餘
事惟嗟吁。側聞鄭白策，近在燕薊都。富民要得人，救弊須

復仇亭集卷二十六 七

良圖精華出，地力南北固。不殊康年帝，所貽巨浸民。其蘇
悠悠海嶠客，耿耿思江湖。滔滔何所紀，鬱鬱能久居。因君
問新漕，今歲當何如。

題寄登之講蔬圖

英英忠義邦，濟濟萃羣彥。江山發文藻，師友資講貫。官清
案牘簡，歲美魚米賤。星槎駐三載，嵐翠擁一縣。蕭疏兩校
師，錯落數丞掾。陳侯來何莫，謳歌藹芳甸。歸然李先生，申

先生南國靈光殿，大匠執鑪冶。衆寶入鎔鍊，俞君舊所欽。

兆洛理初先博物，今罕見。顧我走千里，披豁申繾綣。近乃識毛

生志變君美髯，言論善褻裳。涉其涯，湏洞目。已眩陳侯敬愛

客公暇，數文譙。顧侍萱劉箴山有同志，士氣洽然變。石室

屬高朕經帷侍胡瑗風徑修竹閒水窗晚花絢諸生從之遊一一皆雋選或擬子雲賦或精康成算或匡鼎說詩或楚金繫傳深湛運微思卓犖得大觀采風吾職守有士志必薦惜哉中道違我馬逝如箭大江東入海習坎必以渚彼斷港絕潢難與航汗漫三吳實多才一邑且兼擅願侯導其源示之以畔岸大則潤萬物細流足溉灌諸賢推助之厥功敦學半文章在砥厲夫豈惟辨難藝也道斯存敢作畫圖翫

六月望夜越山眺月

山雲怒挾海水來萬里東注不可迴水輪悄然破空走月氣所到天爲開眼前變滅何凜怳魚鱗細蹙鮫絲網驅龍吐珠收不得蜿蜒紛挐復騰上斯時暝煙散城郭野色濛濛一片白對山鐙火更分明銀漢紅牆無處隔客心如月先得秋夢影飛落天南瞰天狼弧矢射未休人間浪說仙查浮停杯拔劍向誰舞南望海門見五虎歸來敢惜露霑衣統統城頭已三鼓

越王山麓晚眺圖

并序

山在福州城北相傳爲越王無諸舊都一名屏山樓冠其顛城帶其腹貢院居其趾道光二十年予與樹齋少司寇奉使駐此自春徂暑每陟山椒城郭如畫南望九仙烏石近在几席羣峯環翠江海匯流實據一郡之勝因屬羅六湖比部

天池

作圖以志蹤跡并

系以詩

三山縹緲城之坳獨有越王山更高長風送客六千里使
我衣袖生海濤荔子紅邊見落日稻花黃處知平皋每依
南斗望北斗極目遠空秋雁勞

題吳孝子燮堂先生遺照

崧甫侍講尊人

山木亦有依流水亦有歸如何寸草心不及三春暉粲粲
者門子循陔戀庭闈永念慈烏恩不爲威鳳飛飄風何發
發吹我斑斕衣白雲宿我欄巖石當我巖豈無幽澗泉祥
琴不能揮我我閭闔門銀榜排崔巍中有萬卷廬翠柏皆
十圍邦人感且羨鄰母猶歎歎至性不可名孰云空相非
世無束廣微此意知者希

後入閩四首疊前韵

九

使旋至江南常州奉

命仍回福建查辦事件

北嚮復南征徘徊雁陣橫澄江還汎汎遠道重行行星火
郵書急旌旗海嶼明炎方苦雷電天意欲收聲

海上神仙宅誰教蜃市蟠倚天賴長劍論事情柔翰萬里
贏糧盡三軍裹甲寒翱翔有深慮肯遂寘河干

貪狡情何極

堯仁覆以天蛟門靜枹鼓鷺嶼駭風煙莽莽沙爲壘明明
貨是泉長城何處在消息轉茫然

寬猛時相濟蠻夷道自通由來譚戚將必有藺廉風勝算
終能定邊儲且未空無令鱗介族睥睨漢廷驄

福州城南觀鑄礮歌簡吳甄甫中丞

銅礮製自佛郎機嘆咭喇礮乃邇之厥初荷蘭一屬國獨
以利器雄島夷澳門市舶二百載自彼闌入奸僞滋腥煙
毒土噫何物毋乃劫火煎膏脂億萬黃金擲虛耗我民其
瘵兵則羸

皇仁好生嚴禁律閉關固守夫奚疑彼昏不悔且思逞焚
輪怒挾鴻波馳舟山定海旣淪鷺門廈門駭然後具狀鳴其私

惟

皇洞燭若觀火馭外之道先羈縻重申

異命戒曷帥除戎器以防海陲閩南諸侯有遠慮思患不
敢徒委蛇范金鑄礮三十二延津劍氣歸鑪錘我昨渡海
閱軍壘沙墩石壁如布棊長鯨鼓浪雷電門銜尾再遁摧

復仇亭集卷二十六

十

鱗鬚桓桓觀察

興泉永道劉君耀椿

識此意有備無患職所司乃知

甬東揖盜入此錯一鑄誰能追近聞龍節適東粵龜山番

舶仍游移

夷船向在定海城南龜山一帶停泊

罷兵通市已有日問君鑄此

將何爲嗚呼問君鑄此將何爲

考亭朱子祠敬紀

聖學尙多識吾道一以貫義理出訓詁兩合無分判獲麟
微言絕逐鹿羣書散狂瀾厄暴秦餘燼撥炎漢師承各有
自墨守不敢畔江都得其醇裊然西京冠儒術盛東都許
鄭具大觀危行見黨錮峻節稟厓岸題橋與投閣對之滋
慙汗清譚始東晉莊老恣誕謾一變入彫刻再衰成塗墁
賸波起昌黎唐哉日復旦其言大非夸本末有枝榦譬彼

鄮侯律義簡緒不亂落落三章法何事紛例案宋承五代
弊綱紀久糜爛自非警聳蹟無由發嚴憚南渡益淪替國
步瀕危難大道在天壤夫子責奚追仰溯濂洛源近侍延
平幔六經翳復明羣言淆則斷詞繁未敢殺理融猶待鍛
所冀古訓式必戒文囿竄百家競騰躍豁然謝羈絆淵源
漢諸儒如冰得日半乃知極研說不在侈詞翰滄洲古精
舍建谿流奐與樂道忘時窮著書廿歲晏高堅孔之卓鑽
仰回也歎循循事博約了了致怡渙夫子爲其難後學失
之嗒至今讀遺書厥功敦學半再拜展儀象周行接里閭
緬思游夏徒終媿一詞贊

四度仙霞嶺次壁間龐雪厓先生韵

徼徠亭集卷二十六 十一

大海抱七郡吐納東南天一嶺界闔越澹若齊州煙萬夫
走流汗終日趾壓顛豈知絕島外倏忽輻輪旋蛟門舟已
沈蕩析及屋椽蝮蛇東來游窟此龍宮偏拔劍不敢斬投
餌仍潛淵登高望遠海直拍洪厓肩客行亦何爲往復經
歲年回首鷺嶼門戰鼓聞咽咽一旅尙足恃萬竈乃不前
吾欲鐘疊嶂移置舟山便山靈似竦諄外固中必堅備患
在得人王道蕩且平側聞貔虎士不戰歸畊田功成謝主
將誰勒銘山篇

附錄雪厓作

拔地突兀起直上摩青天莫莫蒸氣出映日流蒼煙相
傳宋史浩開徑達層巔三百六十級蛇蹤紆迴旋絕頂

有神宇翠拱亞朱椽山僧亦有趣結亭殿東偏竹竿密
作林流水審爲淵行人登頓疲來此一息肩遭燬甲丙
歲重構申酉年形勝良有餘八閩此其咽一夫當關立
萬夫焉敢前當時李總制進取何輕便逆天理必凶地
利無全堅我來泰平後道路清且平果實綴野樹秔稻
被山田逍遙聊寓目卽事紀斯篇

戊寅秋日行次仙霞嶺作任邱龐塏雪厓氏書

釣臺放魚

輕颺細雨送歸船買得瀧頭縮項鱸腥暴已遭霜柳貫眼
枯猶望夜珠懸寄書道遠曾相憶結網人多只自憐付與
嚴陵臺下水泳游常傍直鉤邊

襍詠亭集卷二十六

十一

吳康甫

廷康

以陳石士外舅夫子遺像并所著范文

正公祠記及詩札石刻彙冊寄示感其高誼使槎過
杭題而歸之

京華別公顏髣髴前日事山中拜公像云自湖上寄殷勤
翫詩翰已有歎老意余時抱幽憂南望日以跛百年竟安
仰一紙若先示甲午余居憂在籍先生自浙寄石刻小像并惡老詩三章惟公秉懿美
根心發乃粹德優動

宸鑒學醇洽士議昭昭范公祠躋哉宗伯記豈惟釐祀典
直使振邦治經術之所施故與俗學異康甫磊落人感舊
有餘思摹鑄及手札古道信不墜孤山鶴飛還石梁自空
翠仙心蘊儒理瀟灑皆實地讀公誠子書藹然前賢侍温

恭守在昔忠恕行可致禮堂有傳人寫定待編次永念平生知重以婚姻誼艱危賴提命和平出誠至盈盈桃李門
廣廈昔所庇作詩感陳迹憂樂孰同志

北固山懷古

大江浴浴日東注碧玉雙峰鎖煙霧天寒風急不可越旗
腳參差見瓜步京峴猶餘龍虎氣海門直接狼山戍誰云
天塹限南北自是浮雲變朝莫阿瞞萬舳化爲灰王濬樓
船豈飛渡紅袍玉帶彼何人一戰倉皇扼歸路自從湖上
走蹇驢遂使銅駝臥霜露長城自壞夫誰撼謀國何堪一
再誤當時忠憤滿朝野眼見烽塵斷江樹子玉不死季良
在天意蒼茫眷西顧荆門司馬古豪士看雨憑闌邀客住

漫仇亭集卷二十六

三

畫中山色憶東甌杯底濤聲吞北固狂飈三日苦未息海
國妖氛正纏互會看長劍戮鯨鯢儻許扁舟狎鷗鷺

至日京口守風

江城畫角曉寒催海日陰晴氣不開北固若能知客意東
風應爲送潮來一陽轉律春猶待萬里浮槎夢已迴遙憶
紫宸朝散後佩聲隱隱走車雷

得舍弟京寓書

鄉國渺無極北風天正寒檣烏樓不定塞雁渡應難久客
惟加飯歸程尙據鞍何時石樓下閒對月團圓

江上阻風因述使槎往還蹤跡得詩二十二首呈樹

齋侍郎省之六湖兩比部

在昔嘉禾嶼今爲一大都鷺門天設險龍節

帝分符野老焚香拜官軍負弩驅共傳星使至感歎且歡

呼再使閩南渡
海至廈門

潯尾海北天開鏡高崎海南浪拍山如何夷險異只在往

來間絕島烽煙急長城石壁環元虛曾賦海愁夢落渝關

己丑秋登澄
海樓觀海

屏障南溟外臺澎實要津浪高雙鹿耳天遠七鯤身欲制

蛟龍怒先期雀鼠馴寄書問徐福或恐海揚塵

落日萬安橋秋風捲急潮鴻都留大筆魚袋溯前朝

安渡記其曾孫賜
緋魚袋桓立石蘋藻猶思薦龜鼉不敢驕洛陽今紙貴

題柱媿乘軺

○ 猥狃亭集卷二十六 丙

漢俗夷風雜民窮逐物遷金捐蘭頓土銅鑄越南錢焦石

山田瘠丹霞屋瓦鮮尙聞飽薯蕷辛苦說豐年

攘攘實堪憎蚩蚩亦可矜錐刀人盡取蠻觸力難勝擇吏

文毋害除貪法必懲陽城甘下考青簡照朱繩

第一閩南縣銅山接瀨谿人家荔枝譜村落稻花畦多土

嫻臺笠重城靜鼓鼙祇疑江國近走馬秣陵西

南臺與海通戰艦列艨艟利在魚鹽外師過枕席中龍歸

仍化劍鷁退不關風何日標銅柱吾思豐饒翁

盪槩洪橋去林巒取次探高梯落青果小市聚朱柑雨息

冬猶煖灘平夢亦酣參軍殊解事蠻語漸能諳

黯澹灘頭客虔州復楚州屢穿魚腹出還作劍潭游叱馭

吾何避浮槎事未休壯年悔彫刻班筆早宜投
疊翠排窗見雙溪抱郭流彩虹明夕照高館倚清秋水鳥
人情熟盆蘭客夢幽結廬容小住吾道在滄洲

西陽仙佛窟杖錫出荆榛種竹皆成徑傳鏡已有人重來
僧話舊遠寄字題新回首雲山隔青蒼萬古春

江上望江郎他鄉思故鄉綠蘿仙子鏡黃竹女兒箱夢與
灘聲遠愁隨驛路長無諸何太苦莽莽破南荒

九里梅花路春來正及花推窗得粉本轉棹見人家招手
峰巒過迴頭蓑笠斜不須吹玉笛芳草卽天涯

戰士還鄉後黃金鑄像初但聞湖上去不見甬東居越女
花猶豔吳門練已虛惟餘怒潮在終古恨靈胥

侵仇亭集卷二十六

五

舊雨惜蹉跎新知更若何風流江左盛名士濟南多抗志
思鞭石論兵欲枕戈壯懷日蕭颯安得挽天河
玉帶水連天平江泛畫船路分吳越國橋記宋元年短燭
孤蓬雨枯桑萬戶絲故人還念爾漂泊轉悽然

南國集羣彥文翁有講堂碑餘吳季子殿尙魯靈光賃廡
人誰識誅茅徑就荒扁舟載書去陸賈本無裘

下邑羈豪士元方亦異才一門羔雁盛百里繭絲哀危論
難諧俗流民欲繪災不知汲長孺持節爲誰來

籌國勞心計東南實漏卮催科能不拙飛輓若爲遲楮幣
言徒闕雲帆路漸歧何由致紅朽次第問瘡痍

仙吏勤留客顛風故送寒維舟曾幾日畫水得奇觀王宰

眞能事京江獨倚闌短歌還拔劍青眼爲君看

龔木民郡丞屬高密

王君功後爲作北顧覽勝圖

孔賓欲歸去黃石豈求名偶爾星槎聚頻爲海嶠行三山
寒崑崙二客氣崢嶸不用工詩句相看白髮生

渡河

維舟七日滯江皋一葦橫過迴不勞北嚮天邊有鴻雁南
歸海外向波濤星飛祇訝軍書急風捲初聞凌汛高落木
平沙迴首處始知銀漢隔塵囂

郊城道中大雪疊至日京口守風韻

馬蹄飛舞玉塵催曉色寒芒覘眼開冰自大河填海去雪
從東岱塞天來一官雲鳥憑誰問萬里風花送客迴試向

○ 綬紉亭集卷二十六

六

齊郊訪農諺已聞臘鼓動春雷

漫徂亭集卷二十七

壽陽祁騫藻叔穎

古今體詩五十三首 辛丑至甲辰

辛丑九月奉

命入直軍機處紀

恩述志

海國再出師島夷仍構患羽書日笏午

命將清瀛寰臣以司農卿忝陪樞密班驟兼繁要職適值

時事艱拜

恩辭不獲感悚心難安去年使閩越默察邊釁端不惟塞

漏卮要在懲貪官煙土流毒久濫觴由海關蠹吏飽其私

漫徂亭集卷二十七

竊賈緣為姦鯨鱷橫睥睨談笑生波瀾

朝議計久遠約法三章頒令必先貴近意在蘇痾瘵衷情

亦悔懼王道兼猛寬審幾賴明決出險毋盤桓誰貽

宵旰憂屢致勞師干書生抱蠹測時論如決湍仰資

乾斷力庶以止流丸襄贊正需才賦詩慙伐檀

孚井詩 并序

徐惺菴少司空 士芬 直園屋後有井曰孚因製竹笛

為恒升車仿區田之法試之有驗季秋寘酒邀同孫

符卿學士 瑞珍 杜芝農少司農 受田 賈筠堂少司空

張篠浦庶子 帶 何根雲贊善 桂清 觀刈稻賦詩紀

事

歲攝提格月爲壯司空約客開南堂池荷岸柳映疏翠入
坐忽聞秔稻香梧酒未行且散步籬花含雨明斜陽屋東
有井吾舊居螿石不改流則長攀榦下視引修竹狀若桔
槔能低昂游魚銜鉤虹飲澗激水過頽盈其吭碧瀾寸寸
瀉寒玉一綫曲折穿重牆可憐門右數弓地昔爲瓦礫今
分秧世間何物可弃置人力旣盡天心償試看纍纍飽穎
粟居然活活資瀦防周官稻人稼下地澤草所生其種
逌
凍易之間穀五種土宜豈必惟荆揚畿輔水利有成法先
疇世服思賢王怡賢親王玉泉彌望在咫尺萬頃一色秋雲黃
東南轉漕事孔亟江海風濤安有常郊原沃衍似豐鎬滌
流北去空湯湯老農輟畊隴上歎旱潦兩困誰爲禳司空

禳飢亭集卷二十七 二

憂國計久遠讜論造邈人未詳偶因退食試餘技坐見嘉
蔬紛滿場區田那事陳根拔抱甕久已機心忘回思寒泉
翳深樹茅經揜覆鼃跳梁一從汲引脫泥滓流甘灑潤占
豐穰酒酣卻憶十年事舊巢未埽仍回鴉銀瓶在肩縷在
手搜粟無計充神倉石闌髮髯見題字顧名攷義心慙惶
歲辛卯奉慈輿來都筮得井之上爻己而蒙恩重直惟
南齋並詔許就養園廬爰名此井曰孚以紀榮遇惟
公有孚井勿幕作歌吾欲歸畊桑

農政全書水利篇有龍尾車玉衡車恒升車三器道光

八年潯陽羅石帆仲玉補注刻於皋蘭附記

達齋尙書以帖菊花冊屬題

滿堂秋色不可畫妙手攝入空明界非真非幻出天工何

事春風弄狡獪金臺十丈塵土紅悠然坐我東籬東延年
駐景有仙骨得氣不與羣芳同畫屏窈窕闌干曲扇影團
團帖寒玉傲霜本性謝鉛華修月前身認金粟蕭疏幾幅
帶煙霞布葉安枝整復斜留與韓公馨晚節卻教陶令憶
山家

題王翰城 繼賢 瀟雁圖

衡嶽望不極瀟湘秋水多感君離別意憶我宦游過是處
鷗堪狎何時海不波五谿一回首浩蕩隔漁歌

題潘芝軒夫子仙瀛雅集圖次蘇齋韻

玉堂仙侶瀛洲圖二十三人風骨殊青雲舊雨一回首妙
繪重爲西園摹憶昔

漫徂亭集卷二十七 三

臨軒歲癸丑儲英慎選清班俱公時年少冠羣雅豈以前
後論王盧圖成廿載望逾重清景電掣如追逋蘭陔歸去
更瀟灑勝會或儕石與吳 琢堂藹人
兩前輩 神仙忠孝有眞境科

名官職徒虛車當時同館共筆研

三朝兩見沙隄除 煦齋先生
官至協揆 惟公着宿秉鈞軸舉世風度

瞻瑤琚依然朝退坐松石想見三篋胸中書五十年前典
型在開卷溯我生之初春官弟子髮半白公獨浩氣澄太

湖後庚先甲赤奮若又見雛鳳棲高梧 篤藻生於乾隆癸
丑嘉慶甲戌 廷

試公爲讀卷官道光辛丑忝佐
禮闈公子星齋以是科館選 兩世文緣信非偶結交砥

行心冰壺 公頤爲書聯語云砥行
碧山石結交青松枝 更聞金帶兆圖畫吳趨

花瑞天下無西涯故事不足羨爲公題句思歐蘇

翰城出牧山右以畫障留別題句送之

松能堅人心竹能厲人節蘭不因人芳梅不因人熱王生
爲我寫數紙其意懃懃可知矣謂我迂疏涉世深得毋俛
仰隨時靡金臺落日春風多姚黃魏紫紛綺羅不能著色
作嫵媚如此孤植可柰何王生來自離騷國香草樛枝夢
猶憶塞上風沙逐馬蹄宦游蹤跡無南北我昨題君蘆雁
圖離心浩蕩滿江湖留將雪壁霜豪在肝肺槎枒未肯枯

紀夢

繫余違怙恃茫茫宦海遠者三十年近亦將十載曰艾
服官政鬚髮忽已改滄溟穴蛟蜃玉帛走矛鏢萬端憂憤
積力薄氣益倍中夜視星斗傍徨若有待胡爲頻入夢顧
影衣著宋笑語雜涕泗頃洞不可匯

《漫齋集卷二十七

四

國威尙未復臣辱奚逃臯將毋忝所生履險且及殆白雲
翳松楸茅屋渺何在海波儻許填銜石終不悔

陳淮生內兄

蘭第

金門宦隱圖

吾廬宜住嬾眠巷太乙眞乘不繫舟

吾廬宜住嬾眠巷遠客常攜載酒觚石土

外舅夫子太乙舟楫帖也

曾共山翁醉籬菊卽今宦海數沙鷗榻因好

客仍時下雲本無心爲我留

君初宦農曹以余迴避比部

試問囊琴孰

延企北窗可許坐清秋

感事

鷺門山作指揮臺又見甌江畫本開儒將風流空自負海
邦烽火總堪哀據鞍健飯身將隱抗疏論功志未灰跋浪

鯨魚誰手掣夢中或有濟川才

次和同直何根雲夏日遣懷卽簡張篠浦

銀灣當左界

君居舊額銀漢左界程春海前輩篆書

仙館闢深幽花樹因人

靜軒窗得水秋詩成心獨往朝退客仍留何意塵囂外相

望郭李舟

鶴汀司空出示朝鮮申緯詩翰一冊筆墨嫺雅稱覃

溪先生爲翁文達蓋彼國私謚耳題二截句歸之

司空

名卷尙阿會
出使朝鮮

蘇齋私謚議偏公傳播鷄林賈舶東詩派定誰論主客辨
香聞已配坡翁

權家遺集手曾披追述檀君事特奇

高麗權秀才集載檀君開國與堯同時

侵仇亭集卷二十七

五

何似申公稱世隱一門三絕畫書詩

附紫霞詩并記語

撫古應難神似矣端於筆未到時求論詩化後空無訣
覓劍從來陋鏗舟小藝一門關性命此中世隱當林邱
終同過眼煙雲滅重幣何人遞篋收

人有賣董華亭書畫合璧帖者余爲臨書見子命準命
衍摹畫而還其原本仍題一詩紫霞申緯

癸卯歲七月旣望移居雙橋精舍杜芝農同年過訪

賦詩見贈次答二首

燕壘經重睇雞窗得整楸但求林麓近不礙屋檐低歲晚

觀收穫圖成待品題空慙少陵句歸院柳邊迷

河流方浩浩，星使尙栖栖。仰屋才無補，吟詩氣轉低。寺鍾秋易警，橋柱老難題。祇恐支離叟，雲深笑客迷。今年春自澄懷園移

居孔修侍郎別業，頃復移此。君詩有詩爲憶松題之句，蓋謂余新作憶松圖以寄鄉思也。

次韵贈王萊友孝廉 四首

何緣博采得通人，坎壈名場自在身。漢學希微尋草莽，奎文錯落識星辰。長安客久仍彈鋏，後進才多等積薪。十載相知吾恨晚，片雲敢擬逐龍鱗。

尾焦根爛力能禁，古調難逢曩後琴。伯玉行年臻化境，子雲異代有知心。中懷耿耿元精貫，共語醞醞道味深。猶爲憂時見顏色，蘭陵感慨賦蠶箴。

孰是聞知孰見知，小徐而後歎中衰。

漫欲亭集卷二十七

六

聖朝稽古功誠鉅，學士甄微志不疲。窮老箸書關世運，行藏隨分付時宜。一官浚長千秋在，龜卜何煩問偶奇。

析疑爲我證羣書，咀嚼菁華弃土苴。夢覺雲雷動科斗，笑

看楊柳貫魴魚。

君頃與何子貞爲余撰，祗大夫字黃羊。羊說又與張石州釋號季子白盤銘見示。

經合稱無雙品，載筆空慙第七車。但許從君問奇字，雄文

奚必慕相如。

萊友爲安邱巨族，選鄉甯令，精通六書，著有說文解字

釋例二十卷，說文句讀三十卷，與肅甯苗氏夔同以研

究許書，見傅苗專心聲韻，萊友博大精深，辭尙體要，余

藏段氏手校集韻副本，曾爲校勘多所糾正，馬首農言

余里居時所輯，亦爲辨證數十條，癸卯歲八月十日淳

甫記

題芝軒夫子蘭陔潔養圖

夫子萬民望躬承累世德文章與經濟悉自性情得此圖
有真樂奉養居里闕蘭馨循陔南蕙草念堂北湖嵌瀟碧
間松柳蒼翠色擁坐顏渥丹侍立頭尙黑孫枝拂桐芭森
然鳳聯翼維時歲彊梧朝野正豐殖

宮中奏雲門四海安耕織司農政閒暇退而修子職百寮
歎且羨賦詩美純絨喜氣動吳會髻髮爭欲識孝哉無閒
言懇款出宵臆人生重大節致身必竭力不能已於親而
況施於國賤子忝負牆趨步時自飭請歸復陳情再三荷
恩赦終媿歛雅笙不違莪黍稷寓藻於道光庚寅秋請假
歸省逾年侍母來都王辰

漫飲亭集卷二十七

七

秋請歸養復蒙
特旨賞假

比年侍樞垣晨夕陪僂直河海事方殷蒼

黎待休息度支之心計石畫亦孔亟仰窺篤棊忱內充匪
外飾惟忠本純孝密勿資輔翊白華兼朱萼當時所手植
卽今蔚成林粲粲槐棘緬懷古大臣出處天下式披圖
壽星見斟化望南極

禁中楓樹

東堂堂後丹楓樹三見清霜送素秋溫室不言長耿耿寒
花相對故悠悠登高久負重陽節歸沐頻叨五日休頃奉
旨

五日入直
五日留署忽憶吳江舊詩句斷林斜日在扁舟

題卓海帆前輩壬戌翰林同年行樂卷子六首

曾記書名在

御屏翰林搗藻近

天庭畫圖傳與人間看華蓋前頭十五星

圖凡十人

霜臺作記數交游

芝齡總憲

宗伯題詩憶唱酬

季思宗伯

五老翩翩

返初服

退旃鼎甫並鄰棣華蘭友五先生

三山歷歷峙瀛洲

碧落青雲幸有緣懷新感舊惜華年延津寶應師門在回

首風儀各惘然

鏡汀先生余鄉試座師詠齋先生庶常師也

氣吞雲夢一髯翁畫戟清尊笑語同運甓陶公

雲汀先生

今往

矣風濤莽莽大江東

惟公弱冠掇巍科手秉鈞衡髮未皤不獨文章輝館閣江

聲月色壯岷峨

昔聞立馬嶽雲開又見荷舟聽雨來

公嘗以二圖屬題

試取三圖

漫欲亭集卷二十七

八

證懷抱丹青可許狀靈臺

侄孫從其尊人官浙東時搜羅所得凡四冊

題毘陵呂氏所藏古甄文字拓本並簡苗先路

堯仙編修

河間苗君

夔

老嗜古獨寶獻王君子甄曩歲南游索題句

歎其宣身元光前耆老人

李先生兆洛

顧而笑比之廉墓甄

孰先

廉頰墓甄申耆先生官壽州時所得

苗君失色恨未見倚坐傲睨頰兩

顛是時毘陵雪三尺舉酒屬客江連天高樓夜深棲鳥動

似有炬火明沙壩豈知此冊發光怪四明適有歸來船心

疑夢想忽到眼雙橋古寺秋燈妍京華塵土留不得門外

驪駒催著鞭古甄文字二百五拂几一過如雲煙阮跋劉

記具梗槩其餘作者窮彫鐫儀徵劬論有至理吳

荷屋詞婉

約包慎伯則堅攷古不妨互同異搜奇想見精誠專海波不揚郡齋靜運璧有暇趨庭賢以金石壽求自壽李文斯語無閒然宜南客館感蕭索苗君鍵戶今三年手把一編訂籀篆漢軼唐瓦私自憐君如有意與之角開緘發篋尙慎旃毋令流汗走且顛

聞三兄鄉試中式感喜交集賦寄四首 九月十一日

潦倒六旬叟名場十八科羞爲長袖舞甘作短檠歌牢落同儕少飛騰後輩多紛紛來好語驚喜涕滂沱兄自嘉慶甲子北闈

秋試迄今癸卯科四十年矣

千里團團月開緘有所思遙知聞捷日正是憶親時諼草看何在荆花發故遲殷勤報兩弟霜鬢各相期

漫仇亭集卷二十七 九

爛漫陪華宴婆娑揖衆仙青袍仍作客絳縣或疑年大吏虛前席同宗待後賢高平宗姪之鑠同榜含飴應更慰庭竹碧雙鮮

八月八日兄得次孫

篋有焚餘草琴仍爨後桐已堪娛歲晚不敢恨途窮老燕營新壘寒花戀故叢何時對牀雨懷抱得相同

歌莫哀一章贈田雅鄰頌年五弟

歲昭陽單闕冬十月爲陽天寒木葉脫田君來自鄉八年始一面悲喜熱中腸經旬復告別毋乃太怱怱對酒不能飲聽我歌慨懷憶與君季舅弱冠同里庠季公年差長視余猶雁行我我當塗師相士無留良目爲晉垂棘聲價一日揚聯翩擢科第先後升玉堂

南齋清切地簪筆雙翔緬思鄉先輩陳

澤州文貞公廷敬孫興

文定公

嘉淦 吃相望遭逢亦何幸接踵仍褰裳李公性清介不

與時低昂揮豪冠詞垣特達誠圭璋三遷京兆尹前績踰趙張胡爲身化蝶一夢追蒙莊維時余憂居傳語疑未詳

駕言適仇猶峻阪紆以長慟哭車輪摧歸臥十日僵念君篤孝弟黽勉力不遑嗷嗷四十口逋負逼痛創孰爲問家

室孰爲營殯喪孰爲焚券質孰爲指困倉南飛有鴛鴦從之以鶯鶯孤鴻鳴何哀羽翼不得將抱視走千里葛帔衝

雪霜永懷林杜篇景景行獨傷京華感聚散鬢髮各已蒼宿我城南屋步我園西廊錄我案頭詩緘以古錦囊云是

吾師集中有懷友章一讀再三歎溼衣淚滂滂

勤敏公壺齋集有哭

京兆詩六首并序

問君歸何急君言適大梁側聞河再決攀茭事

宣防青瓊雖冷官畚缶庶可襄田蘇有舊游西河知子方況值魏文侯憑式名久彰

梁心芳中丞京兆同年丞稱君孝友又留京兆子蔚徐讀書署

君歸必有遇此志行見償嗟余涉宦海四顧天茫茫豈不遇順風剗木非巨航往者策蹇約久要安敢忘

二十年前與京

兆有騎驢歸田之約常恐松柏心或負梓與桑別離不足惜惜此鏗燭光爲君歌莫哀一醉綵十觴

秋晚同人集雙橋精舍徐惺菴賦詩見貺次韵補和

冬至後一日

連山走波濤樓閣隱蒼翠西出

暢春園奔放有餘地萬畦劃寒影孤寺結幽契快如鳥脫

籠淡若食忘味人心各有託山色了不異訪客偶過此喜
其遠塵翳遂借禪榻栖更邀仙侶憩誰謂吾盧靜溪橋夜
深沸明月光直入戶闥不能闕遙指西崦閒桃源隔人世
負鹽時一出軒冕勢難致仰攀煙蹤絕默坐霞想恣相傳
西山深處有小桃源時有負鹽人出藍布裹頭嘉慶十九年
照齋先生官步軍統領會令番子蹤跡之卒無徑得入澄
懷舊雨來絜紙新詩寄風林已掃葉東雀猶喧砌它時看
積雪魯酒仍可醉

追題陳雪香夫子贊書圖爲子鶴副憲孚恩作

憶公持使節賤子年未冠稍知誦五經未敢望游泮登堂
瞻眉宇列坐就几案文場甫涉獵投卷日未旰蛟螭雜螻
蚓出語多汗漫公獨首領之髣髴見微粲招覆移置前詩

復仇亭集卷二十七 十一

句叨獎贊殷勤詢家世慰勉數嗟歎嘉慶丁卯科試雋漢

院詩蒙維時汾水漲城市走流汗公與諸生約條教不敢

玩至今手箸書諷讀萬口徧高門忝知遇大匠施厲鍛師

資出一家重以嘉姻眷迴思太乙舟侍坐每及晏文字信

有緣瓣香奉羔鴈甲戌會試出石士夫流光歲月邁哲嗣

聲名擅杉華照雲路綵服承家燕去年子鶴迎大門生拜

軒輿退食檢書卷此圖有微意士以禮相見執經與執雉

其義本一貫豈獨懷耿介庶幾謝鄙嘖古之宏濟才大抵

守書傳始基苟不慎若農失其畔師門恩誼厚學道媿牆

面忽忽四十載壯心銷仕宦寄園公所寄流風在江甸江陰

學使署西寄園師所名也曾尋杖履迹仍喜詩詞燦翠石紀前躅青箱

啟後彥作詩志景行俛仰增感羨

錢心壺前輩

儀吉

屬張詩舫爲其尊甫雲巖先生作

補石亭圖寄題

雲巖先生名福胙號詒堂乾隆庚戌編修官至翰林侍讀學士嘉慶己未

典學閩中補石亭記蓋補朱笥河先生亭石也

沈松

心齋先生

朱補竹君先生已多年更喜雲巖接笥仙

笥仙朱石名雲巖錢

石九曜仍留顛米字一峯肯逐鬱林船從容作記懷前躡

根觸成圖屬後賢應與崑崙王宰蹟人間雙本各流傳

嘉慶丙子歲汪雨園先生屬太倉王茂才應綬寫三百

三十有三十亭圖藏閩學使署中道光初年失去歲庚

子徐松龕觀察得之福州市上復歸吳崧甫學使余時

奉使閩中三憩斯亭流連題句并爲記其顛末此圖亦

復仇亭集卷二十七

三

庚子歲作與王畫歸壁同時心壺前輩遠寄屬題兩圖

竝得寓目附名其後亦翰墨奇緣也

并記

題鶴汀司空洗甲圖

昨君示我圖謂我識君意披圖欲點筆累月不敢試懸之

素壁間感歎縈夢寐頻年海氛惡甌越厭兵事碎旬雷電

門颯忽鯨鯢肆長江不能限蜃市何所暨君以樞密臣持

節膺闔寄列營析木津遙扼斗牛次渤海振軍聲明堂協

公議維時徵調急塞馬騰萬騎朔方健兒來東都勁旅至

君乃精所選使之如指臂程李有兼長廉藺無交避投醪

匪市惠桀石豈爲戲庶幾甘苦共不慮倉皇棄古之大將

才思患常有備歸來裘帶整閒閱圖書祕

禁園肅周衛凜若軍中治卽此示禮信非徒爛擊刺

朝廷嘉乃績冠綏錫孔翠百寮動顏色君則感且媿此圖
何爲作危坐有深思挽弓當挽強射鳥必射鷲終當洗甲
兵壯士毋弃寘堂堂七尺軀落落四方志艱難出亮節盤
錯別利器繁余辱知交相勗在道義麟閣與雲臺功成名
自致丹青信不渝斯言他日記

郝夢山同年移居雙橋敝廬喜作

稻隴蒲灣信步游夕陽山色赴谿流卻看蟹火知歸路深
柳橋邊別有秋

舊雨重來對莫雲鄉心日日滿橫汾縱談三十年前事老
衲無言總不聞

復仇亭集卷二十七 三
中秋雙橋對月四首

積雨蕭疏斷層陰豁達開夜深山影出風定水光來老圃
驚黃蝶閒庭見綠苔遙知滄海上蜃市靜樓臺
斯地鄰空谷幽蘭誰爲芳瓦盆高出箭紗幔細留香倚檻
看無寐披襟喜未涼便思就籬菊乘興作重陽
徐步出門去稻田流水中物情憐歲晚人語識年豐芟舍
淹留熟蓑衣坐臥同老農意良厚對影惜杯空

我有歲寒友十年相見稀宦游同作客談笑總忘機此夕
停琴望何時帶月歸柴門虛不掩烏鵲自南飛

時夢山以
事入城

送程玉樵同年

德潤

出都卽題其浮槎圖後

浮槎有客同奉使統羽南飛七千里越王臺上俯秋潮黃

浦樓船落眼底當時意氣各慷慨我年甫壯君強仕文章
聲價滿京國詩句流傳動江汜五羊城南艤歸櫂龍燭銜
華照蠻市鬱攸喜出馮蠡怒客夢離奇雜悲喜三十年來
幾聚散宦情鄉思紛難紀聚如梁燕動經年散作沙鷗狎
流水隴雲關月渺何在一笑翩然對窗几來時柳絮撲行
旌看盡菊花吟未已深巷沈沈宵燭闌舊交落落晨星峙
攜肴把盞趁閑暇送客留賓無彼此酒酣拔劍爲君歌歌
聲似逐離愁起武功太白天遠近劍閣蠶叢更西指巴江
三峽連荆門楚竹萬竿接桑梓知君遠道念春暉歸計何
曾戀妻子方今河海漸無事蕩蕩夷庚任所止卜居不煩
詹尹龜相憶或寄琴高鯉眼中之人紛老矣布韞青鞵從

夔州亭集卷二十七

古

此始儻令碧海掣鯨魚更上金臺跨駿駟

玉樵今年夏初自蘭州來都下榻敝廬其二子廷杓廷
棨應秋試訖將之官蜀中玉樵則翛然有高尙之志矣
回憶壬午同使粵東衡文校士忽忽二十餘年今玉樵
得遂初服而余仍涉宦海歸期渺然感舊述懷以志別
緒時甲辰歲冬十月望日也

并記

端友少司農以所藏成哲親王手書詩扇見贈賦謝

二首卽次詒晉齋韵

潦盡寒潭白林疏遠岫青人如將去燕案有未乾螢每辱
煙霞句兼忘主客形何緣揮六角更許乞黃庭
發篋驚光彩行吟繞岸汀分明纖月落悵望片雲停秋意

託豪素淡交逢眼青不須寒谷變披拂久心銘

十一月四日自園還城呈同舍諸君子二首

雙橋小住又經年野色谿聲似有緣新塔已成僧去後舊

巢未埽燕歸先往來月露光陰急出入風塵境地偏猶喜

故人能念我青鐙相對話依然日還城 夢山先一

斜街老屋孰為鄰井冽泉甘意倍親東海到今誇戚里居

下斜街四眼井舊

題曰戚里東海 西山隨我入城闈退朝且喜寒窗共送

客無端別緒新玉樵將 出都惜取圍爐好時節天涯還待欲歸

人六弟粵西使 旋當在月杪

靜濤少宰以奉使朝鮮詩記見示題贈二首

特簡官寮貴向例散秩大臣正使副都統 副使此次正使 特簡侍郎 維藩禮數崇東

漫仇亭集卷二十七 五

邦重文物少宰擅儒風蹟湖檀君舊囊看陸賈空朝鮮餽 五千金

卻之請益堅歸奏 聞存禮部還其使臣雞林珍片紙何止碧紗籠

海上三春月天邊兩使星用集 中句都將離別意付與短長亭

去日鴨波綠歸來榆葉青箕子教民樹榆食葉見朝鮮 差備官李藕船向迪詩注皇

華誰繼詠一卷抵圖經頃松岑少司空充 冊使二月中啟節

游龍杖歌次韵呈湯敦甫先生先生自序云游龍蓼 也霜降後擇其老者

製為杖質堅而輕甚適於用 惜世無知之者歌以紀之

憶昔從公直園廬澄懷暇日山水娛石橋雲陽宅數區嘉

樹灌叢花紛敷芙蕖冒池朝霞朱老魚跳波驚野鳧隰有

游龍不計株揜依橋松與扶蘇公時招客值茶餘色香味

與龍團殊四坐把瓊心躊躇徵經攷錄辨鄂跼得毋靈草

仙人鋤公指庭柏清陰扶其葉可飲腸不枯先生園居嘗以側柏葉爲

茶昨詩同直窳尊亦足慰猗玕取材奚必同一塗爾時游

龍奮鬚髯似惜直節淪荒蕪夢中九老降太虛自言千歲

見子都神清體健工步趨公拜迎送及階除九老謂公何

太劬鏗然揖別覺而吁三年解組百事無園鶴易退豈不

如平生習苦甘蓼荼此杖况與青藜俱然以照書萬卷鋪

握手舊識呼友于昔也若遺今則儲偶出城南亦所須公

笑謂杖能從吾吾爲若歌壽以圖

茶陵陳岱雲編修源充以其配易安人墓志銘屬題

爲紀其事

昔年曾讀唐家孝女銘剖臂愈母疾化作梅花神亭亭詳見

復仇亭集卷二十七 六

鏡海太常太常有女能死母於今又見太史婦太史婦易

安人相夫子隕厥身焚香籲天天馨聞但願臂枯代夫病

不願人間歎奇行人間天上兩不知何爲神傷作誄詞或

曰苟奉倩潘安仁擬之太史殊不倫太史曾臆吾能云臣

死忠子死孝情之所極靡不到古來且有生死交程嬰杵

臼左伯桃糟糠之義亦如此行美動神傳女史衡湘山水

清且奇吾昔采風繫所思今於唐家女陳氏婦兩躋之

夢山將還絳州詩以送之

先朝制舉幾人存君尙栖栖滯國門乾隆嘉慶間 召試舉人今惟濱州 子

告侍郎石樵社公滿腹紛紛元自負素心寥落與誰論客

與君二人而已來偶顧虹橋影春去仍留燕壘痕不用問年疑絳老青羶

好待課兒孫

為澎湖蔡香祖進士廷蘭題滄溟出險圖

蔡侯磊落人談笑狎海水生長臺澎間往來平如砥偶遭

颶母妒為施陽侯技經旬犯重險逾歲濱十死問君何所

屈云古越裳氏君於丙申歲十月自廈門歸澎湖遭風漂至越南由陸路歸

聖朝書同文南交慕冠履往時唐船至越南以中國人為唐人船為唐船

殊少衿帶士未暇受銅槃客船初至以銅槃為禮急命載輶子輿

通言傳語人共咋舌驚定還屈指居民聞客來擁觀溢庸市

幫長聞客來閩粵人流寓各設幫長引歸話鄉里省堂省城大吏聞客來

遣吏迎倒屣殷勤致米餼款洽具筆紙乾坤一腐儒出入

魚腹裏有母隔重洋慟哭門閭倚上書報國王乞早返桑

侵欲亭集卷二十七 七

梓不願駕飛鷁不願跨赤鯉但使北陸遵差勝南風俟鬼

門雖云阻生還庶可企感激動大寮奔走勞胥史王曰士

純孝趣為治行李官帖一朝下客病霍然起灑淚辭異域

天涯有知己巽冢富春城王都民所止城頭列亭障城下

矇矓臆觀其所施設武備未為弛是日歲除夕桃符換紅

紫孤燈涕雨零爆竹聲滿耳蕭條萬里路關隘南北時經

過伏波祠銅柱屹未圯馬流今幾戶春草生惹以二女微側

微彼何人江邊亦廟祀黎氏故宮在東京風物美豈無勾

漏海丹砂不可恃蠻觸習鬥爭蟲沙餘壁壘置郡與分封

古今非一軌諒山山名界華戎石洞探奇詭不敢望家山關

門幸伊邇回思鷺島外風趁一帆駛鄉樹雲可辨離筵酒

初醜豈知破冢出歸客自交趾遭迴涉兩粵忽如磨旋螳

登堂再拜母不忍說悲喜遠游恐未眞夢境參差似曩余

未見君已誦行程紀君有海南雜著三卷聞海正揚波星槎適奉使

艱危士之節忠信神所祉春明展良覲藹然接窗几爲我

寫素扇環瀛測畧理以壘蹈扇爲測海表平生憂患心畫手不能擬

方今雲路闢金臺騁駮駟君才信有濟願與究終始香社爲余

弟幼章甲辰分校所得士

侵仇亭集卷二十七

六

壽陽祁寯藻叔穎

古今體詩八十三首

乙巳丙午

春燕

春燕莫相猜飛飛卻又回故巢猶自在今雨為誰來花憶
經年別風驚昨夜催銜泥須遠去紫陌有塵埃

荒園

行過紅橋東復東荒園古木夕陽中不知第宅誰為主想
見笙歌樂未終一水環山餘稻隴萬金輦石委松風樓居
祇有仙人好未敢淹留桂樹叢

題但雲湖同年雪舟籌海圖

明倫

復仇亭集卷二十八

一

海上焚輪任往還長江猶幸扼重關如何秔稻雲帆路便
作金銀鼓吹山天險未聞諸將守輿圖空說大瀛環繞朝
贈策分明在莫謂無人見一斑

兵家主客勢難同水陸從來異守攻魍魅亦曾懾雷電貔
貅翻欲避沙蟲若遭譚戚人思奮安見孫盧技不窮共道

君才堪辦賊繡衣威望在河東

謂曩歲趙城事

梁茵林前輩所藏曹秋厓吳文中姜綺季

廷幹諸老畫書小冊精妙可翫公子敬叔孝廉

恭辰

屬題

倪黃妙品今難得細字蠅頭亦擅能付與退菴老居士較

量手眼對青鐙

歷下閩中題未了傳觀又復到燕臺秋里畫作於燕臺邸舍幽窗偶
展塵心盡況有西山莫雨來

送許蓮西長庚之官河南卽次前歲見贈韵

絲蔓清流出澗谿一枝新許鳳鸞栖行旒瀟灑官仍冷詩
筆縱橫氣肯低此去苔岑應共憶重來橋柱尙留題片雲
舒卷渾閒事松菊分明徑不迷

再送蓮西

鱣堂歸養奉晨羞薦剡何心繫去留早歲高文傾上艾他
時異政見中牟經傳夙擅無雙譽治行終期第一流同學
少年今白首贈言從古重交游

六月九日雨中還雙橋二首

饒執亭集卷二十八 二

連朝城郭雨濛濛一笑西山翠埽空門外稻田三百頃鸞
鷺閒立晚煙中

記取新涼入伏天今年何幸又豐年澄懷舊雨多清暇相
約柴門聽暮蟬

直廬槐樹

如意門東夾道槐沈沈山影點深苔白頭內翰簪豪地親
見園丁手植來南書房舊直廬在禁園東如意門外乾隆年間翰林入直之所嘉慶初復於

勤政殿東垣賜屋三楹地逾清切而舊直廬亦不廢道光初年每奉命校勘書畫輒留連累日迄今退直餘暇亦時憩此有宮監守之

喜晴 六月二十一日

三日濯枝雨曉來新放晴水雲低遠樹山翠近重城孰協

爲霖夢吾殷望歲情稻花紛滿眼朝退卽柴荆

苦雨 七月朔夜

伏雨闌風攪不休谿橋無地納奔流豫愁積潦占三白三白落地

豐彥主潦便恐淫霖送一秋官路馬嘶泥滑滑僧寮蟲語

夜悠悠思量何事挑燈盡坐聽鷄人報曉籌

聽秋軒晚坐二首

古柏亭亭引夕涼幽蘭落落抱孤芳秋花底事工盤結才

出籬梢又過牆

園鶴雛雛久不鳴林蟬得意變新聲邇來又共秋蟲語那

怪吟詩白髮生

讀唐四家詩

饒仇亭集卷二十八 三

王孟詩名孰最優可憐凝碧管絃秋左司自有神仙氣未

便蘇州例柳州

退之山石句嶙峋杜老秋風筆有神萬古江河流不盡鯨

魚手掣更何人

雨中曉出

四野穹廬蓋雙橋轍迹稀祇愁泥沒髀安得瓦爲衣稻隴

連谿澗柴門失釣磯水天空濶處晨色轉熹微

退直爲積水所阻假寓鶴汀司農園齋

積潦橫前路回車款近扉不因公退晚且喜客來稀寂寞

元相憶差池且代飛時鶴汀與余五日入直五日留署梁間雙燕子似識

主人歸

落落陳蕃榻蕭蕭仲蔚居久諳花下徑新讀案頭書仰屋
情同切營巢計獨疏君來應撫掌看竹問何如

立秋前一日還城留贈鶴汀

城南秋隘總欣然桑下淹留亦有緣葛幔仍懸虛白室紗
衣恰稱蔚藍天

內廷故事六月服黃葛紗七月換藍紗

柳將秋色隨人去山

放晴容待客還十沐五休君記否光陰眞箇似梭穿

螢火

丹鳥名徒竊青燐聚若狂如何生腐草祇是解宵行風雨
秋多晦簾櫳坐正涼微明難自照還欲傍書囊

秋晴 七月十三日

不爲愁霖雨何緣重晚晴踐苔知水落倚樹覺雲行秔稻

復仇亭集卷二十八 四

香初發蝸蟻氣漸平吾廬高枕在應許見秋成

鋤經草堂歌三章 弁序

鋤經草堂者我三兄漁莊先生讀書處也兄少羸弱

先大夫太夫人不忍督責之而兄爲學益力研求經

訓發爲文詩不苟趨時尙堂曰鋤經蓋紀實也歲在

乙巳五月七日丁卯爲我兄六十周甲之辰先是禮

闈報罷弟姪輩請留過夏稱觴爲樂兄以授學絲山

不欲曠業又厭都城人事紛擾於是買車而旋瀕行

爲詩二章示別兩弟有六十年來客猶吟下第詩之

句蓋自嘉慶甲子鄉試以來困頓名場幾四十年迨

道光癸卯之歲始舉於鄉次年計偕入都又以宿藻

入闈分校迴避至是科乃應會試也寯藻少兄七歲
宿藻少十五歲先後忝甲科入詞館而兄獨屢試屢
躋一第之艱若陟峻阪十上九息顧氣不少挫老而
益壯耳目聰明齒髮步履如中年人一男兩孫大者
教以讀書小者分甘剖果以娛目前前一室之中舉案
齊眉有伯鸞德耀之風而無居廡賃舂之苦以視世
之役役名利進無所止而退無所歸者其得失相較
何如也方今

壽寓宏開

草恩渥被寯藻將請以所得階級

封典馳於我兄以慰生平窮經之志以彰

復仇亭集卷二十八

五

朝廷錫類之榮而宿藻適蒙

特簡出守黃州

國恩家慶駢集一時此豈非人生難得之遭哉詩曰
常棣之華鄂不韡韡又曰秩秩斯干幽幽南山古來
兄弟和樂式好形爲歌詠卽其山川宮室樹木亦有
餘情焉兄其可以開草堂燕親戚賓客飲酒一笑爲
樂矣寯藻奉職京國馳心里閭爰爲鋤經草堂之歌
三章用埶詩人頌禱之義俾宿藻書之其詞曰

朝鋤經兮壽水之湄莫鋤經兮乃縣山之陔夫豈不憚勞
兮樂此不疲清流環吾廬兮洞渦會之縣之上有田兮道
阻且歧孰趣事而罔穫兮孰坐而治薺麥之秀兮蘭之猗

猗君胡爲兮倭遲

朝鋤經兮日出之光莫鋤經兮秉燭而夜行夫豈不知老將至兮樂且不遑風雨瀟瀟其如晦兮星月爛而生明晝何苦短兮夜何其長苟不改乎此度兮何用不臧君胡爲兮旁皇

曰經而可鋤兮何種苗而得莠曰經而不可鋤兮何朝墾而夕糗服田力穡而不逢年兮夫豈蔗蓑之咎使兒生帶經以終老兮亦何傷乎素守矧賢書之晚達兮

綸綉輝其組綬先疇縣縣兮恐不終畝兄耕於前兮弟鋤於後草堂之婉變兮嘉木紛糾可以說經兮可以會友隔千里而致辭兮曰君子之眉壽君胡爲不醉兮酌以大斗

○履仇亭集卷二十八

六

七月十六日六弟宿藻奉

旨擢守黃州感

恩述志卽以贈別二首

玉署回翔歲七周

臨軒特被

主恩優

翰林例由京察外遷道府去年

特旨召對先後

仁並宿藻凡六人蓋異數也

簡用知府者鄧爾恒俾光宸劉源濬徐之銘胡正文章經濟誰兼擅撫字催科要並籌此去

聲名徵素守古來形勝數黃州

朝廷破格求才意清夜焚香未易酬

承歡無復侍庭帷每遇遷除益感恩有弟正強而仕日阿

兄將老未衰時一麾作郡難爲別幾載聯牀更賦詩送子

清風滿江漢曷哉洽行在初基

中秋日退直還城

晝刻傳呼散直回月湖南畔有輕雷今年秋熱渾如夏荷
葉殘時花又開

蕎麥作花穀穗黃村農閑坐話時光馬頭一樣團圓月令
我低頭憶故鄉

四眼井東有染人居之門前隙地數畝萬緣平鋪鮮
妍如畫曉過得句

蔚藍天色映平沙滴翠山光帶曉霞行過酒帘東畔路綠
波春水有人家

秋分後一日聞蟬

○ 履齋亭集卷二十八

七

震雷已收聲嗟汝不知止秋風滿天地孤樹欲何倚豈不
感時節瘖啞素所恥老鶴警宵露鷄鳴晦不已亦欲效區
區懷抱誰爲理

六弟兄有日矣吾鄉諸君子移尊觀齋拳拳相餞卽
席賦謝二首并屬吾弟和之

惜別芳尊展舊歡忘形莫作主賓看鄉音爛漫家山近宦
意蕭疏歲月寬已覺深堂聞蟋蟀不知上閣侶鷓鸞黃州
太守如相憶赤壁新詩好寄觀

秋來笑口若爲開河海安恬歲事諧四坐歌聲出金石一
時離緒滿朋儕登高況近茱萸節送遠能無常棣懷記取
對牀風雨處雪堂應合借蘇齋

驟涼

窗紗昨夜北風涼
盆菊初移欲綻黃
公退閉門無客到
買魚沽酒卽重陽

古玉佩竹筆格皆先君子所遺也感賦二首

古玉螭龍佩摩抄手澤遺
遙思垂帶日甫及弄璋時
纈密盟心久清芬比德宜
不才仍碌碌恐負白圭詩

筆格長盈尺溫如玉色殷
桃花深刻字竹淚黯藏斑
曾佐修青史還隨訪故山
書齋親付與直節媿蒼顏

九月朔日送六弟出都兼示五姪世估

丈夫離別不揮淚
握手今朝獨黯然
杜老何由轉華髮
坡公亦復惜流年
書生憂

履齋亭集卷二十八 八

國慙余拙長吏親
民賴汝賢弦壑安
知非日月一回相見

一回圓

少陵句汝伯何由髮轉漆東坡句不悲去國悲流年

蕭齋

蕭齋風雨過重陽
獨抱秋心向夕涼
明月不知弦上下
青山疑與屋低昂
詩無雜感僧同定
夢有餘閒夜漸長
欲問農家眞樂處
麥苗出隴稻登場

何雨人大司馬名其園齋曰寄舫屬爲書額並題二

截句

陸居非屋水非船
宦味鄉心各渺然
一笑此身何所寄
栖霞山色大江邊

公退清閒足散懷
看花況有好朋儕
雙橋寺畔聽秋客
要

醉先生畫舫齋

題金焦二山圖

金山山外寺焦山寺外山山外寺何麗寺外山何閒金焦
兩山景孰勝千古詩品坡翁定長髯玉帶仙人流山僧何
爲苦攀留炬火夜飛鬼神怪明日輕帆向東挂東山何有
有修竹竹裏嵐光看不足兩三僧豈解留人便欲抽簪臥
深綠有田不歸志未堅無田亦退真決然至今讀詩識翁
意幽賞乃在嶽外弦瘞鶴銘古鼎篆神物何曾分晦顯君
不見樓臺照海蜃市來蜂窠萬石成篙眼茅菴佳處誰爲
留苔蘚

十月十日陳夫人以疾卒於京寓將以十一月壟移

履仇亭集卷二十八

九

匱長椿寺感懷追悼得詩八首

嗽苴頻年已不支尙云不藥得中醫糟糠久歷神先瘁鍼

石紛投悔亦遲小愈病加何太劇大還丹熟竟無期傷心

執手躊躇夜卽是生離死別時

前夕余自園歸視丑刻赴園比散直還城而夫人已

於卯刻逝矣

露電流光廿七年回頭事事總堪憐嫁衣典盡書仍買官

鼓聽多夜不眠載石浮槎思遠道牽蘿補屋倚寒天伯鸞

麻下能偕老十萬營齋亦惘然

城南湫隘枳籬荒衰病扶持慰北堂三載不聞衣解帶六

親相見涕霑裳閒居未遂安仁願感物偏同騎省傷白首

望雲惟有夢夜臺翻得拜姑嫜

今年夏秋間慈親頻夜見夢曾與夫人言之歎歎泣

下豈知乃
先兆耶

太邱家學女儀端荆布相從耐歲寒老去論心惟子共愁
來得句與誰看伯宗內誠言猶在冀缺歸耕意已闌懷舊

更增知己感西州門外涕洟瀾外舅石土宗伯
為余會試房師

骨肉中年隱慟餘邇來懷抱幾曾舒眼枯未盡思親淚腸

斷空留寄妹書閒倚鏡奩頻悵望悶將棋局薨消除樂安

姨女伶俜甚衣綫辛勤為早儲乙未秋宗伯病甚夫人自
壽陽疾驅入都一見握手

而逝蓋夫人為宗伯最愛女也去年無養極憐愛之
同母妹先後即世妹遺一女夫人為撫養極憐愛之

青鐙強半課兒時每望成名惜別離忍使熒熒負衰經真

教軋軋斷機絲百方莫挽歸何決萬喚無言慟自知胡不

少留三日耳手裁錦緞付孫枝夫人歿後二日孫女生名
之曰思節繼緜諸物皆夫

復仇亭集卷二十八 十

人病前
手製

病臂支離似偃松經旬在假涉初冬自憐月闕過三五敢

謂天高達

九重內廷諸臣期喪例
蒙 賞假十四日朝士紛紛來慰藉家書懇懇念

衰慵不須錦瑟華年恨猶有哀詞說女宗何子貞輓聯云
孝於姑敬其夫

危病聞自艱勤積宗伯女司農婦至行能令貴盛張
石州亦有戚黨同聲稱孝婦中閨感涕失良朋之句

拂簾垂簾何處尋庭柯賸有對栖禽倉黃送子千行淚清

白知余一片心帷燭乍移人悄悄鑪香猶炷夜沈沈霜鐘

只隔街西寺撥盡寒灰是苦吟

芝軒夫子以新春瓶菊詩屬和次韵

籬落風回徑雪殘膽瓶移插不知寒花能獻歲迎春帖立
春

日樞臣暨

南齋翰
林例進春帖子詞

酒亦延齡佐夕餐晚節孤芳天護惜
新詩一出世傳看
柴桑秋色何須羨
溫樹前頭有露盤

正月四日自雙橋移居冰嶠與鶴汀鄰

自我別直園三歲三移居潭潭定東宅人少屋則餘信美
非所據西去託僧廬僧廬意頗愜山水清且虛灑然如舊
雨晨夕欣相於去年秋潦盛谿漲盈門閭徘徊中道阻欲
濟仍回車同寮許借榻笑我姑徐徐君性慕幽僻胡不歸
耕鋤混迹朝野中得免辱沮御屋南有數椽可願卜鄰與
再拜良友言呼僮先埽除經營季冬月莫居及春初肩我
盆中花挈我案頭書嚶鳴出幽谷心迹兩不疏小人樂近
市君子意何如但媿雙橋僧款門致谿魚

○ 袞仇亭集卷二十八

十一

上元前夕過長椿寺有感

明月不可掇端憂已十旬更無魂入夢祇覺老傷神爛漫
街燈上蕭騷鏡雪新驅車出西郭不是爲尋春

以董香光書金剛經塔搨本施長椿寺爲三明長老
說法

繩牀經卷亦無庸祇合雲堂老衲供差似香山游別社不
關松雪禮中峯細書欲結莊嚴塔清夢偏回斷續鐘更擬
相從文字外儻容一指證天龍

次韵題松岑少司農國子監敬思堂補植丁香花圖
二首

儒雅風流三百年愛才心事後人憐鐫題尙記栽花處培

植真如樹木然槐舍乍移經夜雨藤陰交覆帶春煙尋常池館垂垂發一傍龍門謝繫騫

回首春風坐七年圓橋魚藻亦相憐先生一笑花如此勝

事千秋地使然石鼓奇文證楊柳蘭亭陳迹續雲煙新詩

已貴鷄林紙底用安榴更問騫

君去年從朝鮮使還

國學東廂舊有丁香一株明嘉靖二十一年司成龍石

許公賦詩寄興張水南王前峯諸公和韵鐫石傳爲掌

故國朝康熙五十七年司業昆明謝公補栽數本與

司成花西坡李南屏登宣之諸公並賦古詩以繼前修

道光二十二年松岑司成復補植紫白二株賦詩追和

前韵並屬翁玉泉

孝潛

圖以紀之許公初植歲在壬寅

四月相距三百年歲月適符亦奇緣也

十一

并記

丙午二月十五日長兒奉其母陳夫人柩歸窆詩以

示之

緊汝生長沙歲在乙酉夏余方科試旋宦齋有餘暇侍汝

祖母膳清風來暑夜呱呱聞兒啼慈顏喜且訝因名汝以

地望汝如禾稼

名曰世長紀地也字曰子禾取禾易長祿之義

汝兄弟凡四其三

華早謝

三兒

惟汝獨嶷然汝母聊慰藉抱持不離懷嬉

戲不出舍稍長就傳讀如駒常受靶二十一年來曾未違

膝下柰何竟舍汝一旦怛然化孫雛不及見姨女不待嫁

使汝靡所依令我淚如瀉一棺寄蕭寺歲月倏過蜡今將

卜首邱里社近桑柘汝奉靈輒行戴星方夙駕吾豈不念

汝窀穸事無假大孝在守身毀瘠禮之亞永念鞠育恩跬
步毋陵跨吾衰汝亦念送汝及庭榭歸期慎勿淹千里春
風迓

得長兒獲鹿書

念汝初離別銜憂賦邁征春暉憶慈母遠道賴諸兄

閩甥與四

姪同行

拉雜家人語艱難地主情寄書聊一慰默坐數歸程

佳日

佳日日重三春光取次探祇愁風似虎誰道月宜蠶宿麥

將抽穎流膏待作甘青旗楊柳色早晚映征驂

時有扈從易州及

南苑之行

盆中碧桃初開

復仇亭集卷二十八

七

本是唐花種經年發故枝橐駝非爾力姑射有仙姿溫室

春生早幽窗日上遲先開易搖落應悔太逢時

滿樹風偏疾回舟路轉迷莫嫌盆盎小猶幸屋簷低海上

誰曾種人間自有蹊三千年結實物理本難齊

秋瀾道中

寸寸碧瀾色斜陽千萬堆房山真面目豁達向人開已驗

陳根拔何時好雨來車輪似流水隱隱動春雷

三月十八日感懷

頃得家書上室於是日安厝

宋寘春將晚清明幾日過花憐經歲別山憶故鄉多黯黯

分鸞鏡明明對鳳河平生意飛動將老轉婆娑

紀夢

殘夜屋梁月照人顏色寒未曾解離別何暇述悲歡形影
疑相弔衣裳念我單亦知同夢幻其柰獨醒難

鶴歎

紅橋東畔有鸞鶴者頻日
不售用東坡詩韵紀之

西山白雲不可呼翩然乃落紅橋隅世無逋仙孰知余乘
軒來往胡爲乎雙雙鏤翻幸不孤不敢愛名敢愛軀外若
不足中有餘不舞不鳴誰爲娛觀者倦矣鸞者須千金買
骨今有無鳳皇于飛羣鳥趨嗟爾進退當何如

新葺屋西舫齋

輦路鸞環似水流西山擁髻出牆頭移將馬廐三弓地換
得漁家一葉舟種竹栽花商位置吟詩寫字許句留眼中
突兀何曾見已有回翔燕雀游

漫飢亭集卷二十八

西

聞長兒將旋都

四月三日

鬢別成遙憶將歸卻黯然門閭吾獨倚衣線爾誰憐夜雨
辭鄉樹春雲隔墓田夢中機杼淚還落短燈前

夏初祝蘅畦大宗伯七十生日同年旣以聯句爲壽
復成二律

六典春官地位清夔龍強健世昇平

至尊含笑謔年歲高第登科記姓名與宴已分金筋賜趨
朝還聽玉珂鳴壽星合向天邊見煥爛

奎章照眼明

御賜額書
曰資敬延祺

敬典宣勤賴贊襄世人但見說詩匡近聞五老新圖出

城南

諸公爲五
老之會

誰識千秋寶鑑光笑我同年年最少羨公生日

日偏長便將七十從頭數黃閣方開歲舉觴

自題憶松圖

常州吳俊寫照

不到方山又十年碧夫容外翠連天茅菴爲我留佳處祇
在東峰夕照邊

猶記山僧送客時洞雲飛雨下龍池白頭定有歸來日更
補蒼苔壁上詩

古琴歎

冉冉兮孤桐乃在高山之陽流水之陰製爲七絃之素琴
軫以文玉徽以金其聲清激愁人心一彈絃一折再彈絃
再絕不恨知音難但恨長離別江流湛湛兮山蒼蒼蛟龍
窟穴兮虎豹藏林木樞立兮半死半生羈禽離獸兮躑躅
而哀鳴君胡爲兮獨處古無人蹤兮余將誰語錦囊兮塵
土淚斑斑兮如雨使枯桐不絃而成聲兮海水可填兮天
可補

客來

小院栽花不見花客來惆悵碧窗紗人間富貴花如海往
看姚家與魏家

感河南直隸二案時久不雨

四月十九日

新鄉民愚可憐納糧爭價毆及官阜平民窮可惜供炭責
逋斃於役銀價日昂錢日賤以錢準銀民不便民不便可
奈何官不便求益苛江南漕政弊已極其勢駸駸逮河北
錢糧猶以公濟私官炭胡爲民給之炭價不足炭蕪死何

況納糧死徵比新鄉官爾毋謂民頑他邑催科已早完阜
平官爾亦思民苦獸炭之威猛於虎卜式憤言亦可取烹
宏羊天乃雨

四月二十三日喜雨

冬雪春膏土未滋顛風仍挾夏雲馳龍潭應

禱纔逾日

上親禱
黑龍潭

鳩語催耕尙及時呼吸眞能通

帝座暑寒得不念民咨司農無計籌盈絀惟祝年豐荅

聖慈

退直

退直蕭然一室清攤書仍是老諸生飢蜂掠紙悠揚去乳

鴿窺簾自在行塵外客來傾白墮

趙伯厚張石
州過宿園齋

山人爲

復仇亭集卷二十八

夫

致黃精

榆次胡晉二孟康書來
示讀近作兼寄藥物

卻慙吟興隨時減賀雨連

朝句未成

次韵荅張石州

穆初名瀛暹 見贈

不作凌雲賦偏聞下里歌故交眞落落高論尙峩峩老覺
鄉心重詩憐壯歲多莫辭今夕醉離索意云何

都下人家益植枇杷有結實者鶴舫相國分致一枚

因憶江陰使署後堂西窗下一株高出檐際會以晚

翠名齋至今額書猶懸吾廬也感而賦之

南國生嘉樹清陰得小齋曾看花冒雪不道楸踰淮晚翠

今猶憶孤芳孰與偕瓦盆許分致珍重核先懷

杭稻來江國一首

秔稻來江國滄溟達漢津中邦需正賦上策屬何人金幣
鮫宮溢樓臺蜃市新會聞太倉粟紅朽積陳陳

雨中退直述懷

兩年居雙橋彌勒龕同寄戀其山水佳且喜塵囂避南望
稻千畦西來滿蒼翠祇苦迫塗淖雨後行不易昨秋谿漲
盛朝退阻歸騎鬱鬱難久居需泥乃自致高蹈既未能置
身宜擇地移居近凌室夏日無炎熾門前白石路蕩蕩任
所暨車馬聲雖喧幸免坑谷墜夜來雨如箭了不驚夢寐
回思畫隄國夷險道斯異乃知天下事無患必有備

琢瑒

琢瑒崑岡玉它山石可攻尋常持抵鵠一旦氣如虹感遇

侵仇亭集卷二十八

七

成荆璞忘機得楚弓廉隅元自具翻惜未磨礪

喜大姪世弇至都卽送還上黨

十載一相見蕭然鬢鬢蒼冷官疑作客遠道抵還鄉歲月

駒過隙兒童雁逐行別離無暇說悲喜各霑裳

時姪爲長子縣訓導

請假回里省親迂道來都
憶丙申一別不見十年矣

問訊平安社田園幸未蕪衰親應念汝穉子可思吾

蘭孫今年

十五宦久身將老朝回跡轉孤何時相伴住更寫聽松圖

馮執亭集卷二十九

壽陽祁雋藻叔穎

古今體詩六十八首

丙午至巳酉

雨中早起

昔愁苔及榻今幸瓦爲衣
破睡猶聞雨招涼故啟扉
樹分鄰影密車過市聲稀
側想雙橋路谿流沒釣磯

種竹 閏五月十二日

移花勵士幾番心窗北仍憐徑
就荒竹醉日難逢夏閨琴
眠陰欲借秋涼疏風勝入簾
管谷密雨休侵薜荔牆便與
新居添故事年年食筍似江鄉

題馮孝女墓銘

監利王柏心撰番禺陳官蘭書孝女展雲編修譽驥之姊

馮執亭集卷二十九

一

焚香到臂豈求名孝不能旌
孝更誠莫道曇華惟一見慈
雲長住五羊城

彤史它年表女儀鏤冰刻玉有餘悲
金陵片石瓊州筆一

樣流傳絕妙辭 唐氏孝女墓在金陵張翰山前輩爲書志銘

王蓬心浯溪讀碑圖追次夢樓韻二首爲許滇生尚

書題

鄭虔三絕總堪憐能使江山落眼前
披卷盡如親歷處 曩歲
奉使湘中有游浯溪詩勒碑猶憶中興年
書齋舊雨持相示畫舫清

風信有緣記否西園論翰墨於今霜鬢對雲煙

風流太守重交游千里題詩感素秋
蓬心寫寄夢樓題句自是宦情

同漫叟不關家學羨營邱筆端亦有金剛杵
坐上應無寒

具油便擬與君成小隱此中祇合侶羊求

老將

老死承平世身經百戰場麒麟圖具在意在諉何常病馬
思羈勒飢鴻託稻梁男兒信慷慨亦復可憐傷

讀詒晉齋詩集

選理精研練詩裁出性情骨存杜陵老神奪玉谿生爲善
能行樂遺編豈近名三長誰品次吾欲質諸城

劉文清公嘗自謂有

三長詩爲上題跋次之書又次之成哲親王詩爲書掩故世人知之者稀也

七月望夕還園居

幽居隔市闌偶出不知還水住橋邊月雲移畫裏山秋陰
橫碧嶂暝色上銀灣歸路荷鐙外園扉靜未關

復徂亭集卷二十九

二

丙午主試順天秋闈用聚奎堂王衷白先生詩韵

呈孔修大司馬元修少宰

過眼雲煙歲月深春關秋賦許重臨

辛丑春闈典試迄今六載矣

會陪

上閣鸚鵡侶又接西園翰墨林子建未須辭潤飾君平何
必問升沈

天題仰矚奎垣近堅白相期勵寸心

是科首題不日堅乎四句

孔修元修見貺和章次韵奉荅

一行雁字覺秋深

詩題一行斜字早鴻來

屈指重陽節又臨抱璞漫

云能識玉種花敢道已成林同岑臭味神先契滿坐吟哦
氣轉沈三十年前泥爪在風檐應許證初心

寄海門郡丞周竹谿七兄

維新

栖霞山影秋橫江短篷燈火風搖窗手披畫卷銜酒缸題
句尚記維舟椿八載一別心旌撞樓臺振氣銷戈縱海門
地迴波濤淙漁丁沙戶無吠厖士習俎豆民耕耜頌聲萬
口盈吳艤尺素報君江鯉雙祝君壽考顏豐龐他日報政
來南邦園扉更喜足音楚竹谿今年政七十
同人寄詩爲壽

劉文清公書頭陀寺碑文題後

司議工書世罕傳頭陀碑法久茫然米家枕祕無人覺卻
恐飛騰讓後賢孫退谷庚子銷夏記歐陽元云近代米元
章書矯亢跌宕世咸稱其自矜一法不知
其全學東之頭陀寺碑耳元章祕而不言以陸
書少傳於世也文清此卷駸駸乎度越驍馳矣
休論野鷺與家雞肥瘦紛紛誤品題池水墨痕都不著故

應傾倒庾征西

復仇亭集卷二十九

三

金陵何大司馬太夫人五世同堂親見七代壽屆九

十新正吉日蒙

恩賜

御書扁額錫賚優加賦詩奉賀二首

慈雲高護侍臣廬拜舞

龍章出玉除春雪六花天下瑞仙萸五葉

禁中舒

上方絡繹頒文綺

前席頻番問起居四十年來徵盛事

恩榮直邁宋尙書

五代同堂特蒙 恩旨自嘉慶
十四年京兆宋公後於今再見

九旬壽母七旬兒一品萊衣爛漫披仙樂共聆朝退後春

暉偏愛日長時同廷感慶

恩膏及

温旨喧傳道路知更喜泥金書澹墨雲仍繞邈祝期頤

教忠篤慶詩

并序

道光二十有七年正月兵部尚書何公之母既以年

躋九旬蒙

恩賜壽於是

上命樞臣傳詢中外文武大臣有老親年屆八十以上者悉列以聞時則協辦大學士吏部尚書陳公母壽九十都統祿公浙江巡撫梁公母壽均八十以上咸拜

○ 漫齋集卷二十九 四

恩賜惟我同年工部尚書濱州杜公躬侍庭訓道秉義方尊公光祿大夫石樵先生以侍郎致仕今年八十有四

兩朝耆舊三世清華特荷

褒嘉式於有位美哉雖古所稱香山洛社諸賢遜斯榮遇豈特魯侯燕喜詩人善頌而已嚮藻年家末學幸與稱觴不揣固陋撰詩一篇敬釋

御書教忠篤慶之旨用述養福致壽之徵以引以翼有繇來也其詩曰

蕩蕩壽寓穰穰福社五臚告備百昌咸理惟

聖母壽壽我

天子惟

天子壽爰及卿士番番黃髮欣欣壽母

德施既普錫類孔厚爰咨司空服官祇敬父教之忠

帝篤其慶其教惟何明道正誼東序授書正卿贊治克承
厥家不解於位其教惟何貽厥孫謀蜚聲騰實競爽交修
何以篤之俾壽而康中春初吉載錫之光何以篤之俾熾
而昌元日令辰載弄之璋福以壽增壽以福致積爲家慶
蔚爲世瑞煌煌

御書光逮臣閭良玉文綺温如爛如光祿拜前尚書拜後
宮庶太史扶掖左右三世一堂輝映組綬闡城溢郭道路
歡譁僉曰盛哉忠孝之家

履仇亭集卷二十九 五

天子曰俞求忠於孝臣拜稽首臣父之教臣父戴

恩率子暨孫祝

天子壽祝

聖母壽億萬萬春壽筵肆設同廷拚舞銘鍾勒鼎徵今稽
古清風作誦以儷吉甫

題汪良山侍讀振基執硯圖

君昔持衡莅三晉氣凌恒霍風裁峻揮翰羣迎玉署仙歸
鞍早策金臺駿豈知遺澤在高門祖硯曾傳范伯孫汾水
澄泥都不弃崑山片玉本來温自從綵服還鄉里一滴蟾
蜍照潁水白華朱萼壽觴前寶炬雕盤清夢裏劇憐青鐵
付張華博物空陪第七車磨人歲月無裨補爭似經帷侍

經紗

為董醞卿農部醇題篝燈課讀圖

農曹邦之彥七載忝同志去年使津門鹽筴藉閱議丙午歲六

月余與孔修尚書奉使天津君以司員同往

今春又繼往倉儲正多事漕缺待

海販杭稻雲帆至簿書迫草劬經畫歸簡易

頃從靜濤少農赴津籌辦

采買商米事

瀕行手一冊屬我為題記闕門想燈火慈訓述光

懿煌煌門與閭上有

天題字軋軋機與杼中有阿母淚短檠聚秋影高樹散涼

吹如聞金石聲淵淵出空翠豈知下帷人窺園並無地桐

柏千里流甘棠萬家庇

君居邵伯湖上

邵南偶隱居謝公乃循吏

賢良策已效劬勞念所致憶當

漫徂亭集卷二十九

六

旌表初幸備輜軒使節

戊戌歲太宜人旌表

來往淮揚間

采風久延跂此圖今在眼展仰識微意苦節報春暉名儒

期上治君歸自渤海吾欲問龔遂

觀明沈文端

綱

手書冊感歎題後

耄老無忘抑戒篇訓言猶識馬文淵貶泉貝錦工何益十

事焚香已告天

朝議紛紛漸不支家書懇懇有深思角巾東路尋常事難

得精誠動主知

送星泉將軍之官福州

自從西旅事戎旃身作長城志益堅投筆早聞班定遠據

鞍今見馬文淵大江比歲仍防險滄海無波要得賢

君由兩江

總督入覲再出爲將軍 垂老勲名照南國

聖恩未許卽林泉

詩書易象有家傳

尊公泰菴先生著述甚富

夷險生平總豁然豈獨巖

關能禁虢定知武庫善籌邊七閩坐鎮先聲在萬里行看使節旋早晚

龍光三晉接不須尊酒悵離筵

寄舫

并序

此余爲何兩人題園居齋額也兩人南歸此齋遂爲

吾鄉京宦別墅仍書舊額并系以詩

畫舫齋前任醉哦園林風雨喜重過塵心未用思鄉縣已覺雲山北向多

冬蠅

漫徂亭集卷二十九

七

窗間十月蠅擾擾尙飛騰未忍頻揮塵非關可語冰釘盤
吾自媿擇肉爾猶能時節鄰霜雪韓公那用憎

聞喀什噶爾英吉沙爾二城解圍喜賦

疏勒城頭月依然照漢營幕開烏鳥樂塵靜鼓鼙清撫馭
紆長策艱難罷遠征安西問都護早晚及春畊

道光二十七年七月二十二日邊城回匪滋事

命參

贊大臣

奕山

統兵自伊犁越冰嶺往援九月二十八日

十月一日英吉沙爾喀什噶爾先後解圍賊首竄出卡

外 詔書寬大不令窮追是役也戶部撥帑金幾三百

萬定西將軍

布彥泰

未出關而事定

道光六年逆酋張格爾倂擾四城揚威將軍討平之十年小蠹旋定及今凡三有事矣

并記

長兒母服初除作詩示之

丁未歲十二月三十日

除服逢除歲門庭似覺春愁看霜鬢改忍著綵衣新返哺恩常念傳經意獨親及時須努力家訓要書紳

戊申歲正月二日

上以元日晴明豐年兆象嘉獎耆臣錫予優渥洵曠

典也恭紀

天顏有喜拜

恩多元日朝回想玉珂

盛世君臣齊壽考豐年雨雪總調和叨陪樞禁論思職許

復仇亭集卷二十九

八

聽康衢擊壤歌并載簪豪無寸補卻慙頭白對鑿坡

賜

士潘世恩太傅紫韁時年八十賜大學士寶興太保尚書保昌阿勒清阿李振祐左都御史成剛太子太保均年七十以上

送閩甥國輝歸省正月十三日

吾姊行年正六十吾甥歸省及初春雖貧自有家庭樂漸老難忘骨肉親緘字分明如對語寄衣長短欲量身鏡前

若問京華事但道輕霜點鬢新

實甫少司空招飲觀豐稔圖

并序

屋五楹南北窗以西二楹為圖薄板上下各五層上

接承塵畫以雲氣下安地平雜寫村落屋宇人物稻

田每層相距一二尺或三四尺前後高下準以綫法

最後西牆懸畫一大幅山水平遠樓閣參差帖水小
舟橫空雅陣咫尺中有數十里之勢不用洋鏡攝取
幻影自然深遠洵奇觀也製者大興姜學詩題曰豐
稔圖

春江綠漲波連天中有短篷雙畫船縈紅漾碧清且漣遙
山倒影樓臺懸寒鴉幾點明夕煙飲犢兒童橫背眠敲岸
偶有漁竿牽穉稚萬頃開平田溝塍刻鏤秧鉞穿茅舍枳
籬谿路灣男咩婦織咸怡然酒人圍坐村柳邊似聞懽笑
聲喧闐今年米賤不論錢短衣躍馬何翩翩控轡欲馳神
則閒將毋招客導以先水光雲氣相盤旋日腳四射天爲
圓目不能極情屢遷祇恐畫筆無由傳壺公一壺瀛海寬
徑欲跳入窺其全主人謂客且莫喧方今佳節鄰上元邊
庭無事銷戈鋌冬雪旣渥春鐙妍觴詠樂不煩管絃吾輩
置身圖畫間得魚不知仍忘筌世閒何處求神仙豈必更
羨桃花源桃花一實三千年年豐人壽如彭錢請爲主人
醉此筵報章卻媿瓊瑤篇

練余心齋蓋取蔡中郎琴歌練余心兮德愔愔句意
曾屬田季高書額頃於故紙堆中檢得二十餘年筆
墨如新題付長兒藏之

澄懷舊雨想苔岑一紙留題託素琴付與兒曹須護惜卅
年如見故人心

寒煖總無定清明上已天向來望春雨難得似今年紅溼

看花陽青勻想麥田東風還有意吹送直沽船海運漕米一百十餘

萬石已由吳淞出口至崇明十墩候過二月八日風信放洋北上計日可達天津

春雨已終日春雷應一鳴恩威時並濟寒燠氣俱平更覺

園扉靜遙知

輦路清時將隨扈滇池煩洗甲萬里各陰晴雲南永昌漢回構岬林少

穆制軍赴大理督辦

題李季雲侍御恩慶平谷山莊圖

坐擁雲山亦快哉移家何必起樓臺他時誰續盤陰志記

取龍眠招隱來

鄉心飛度碧嶙峋萬壑松濤洗客塵著我漫飢亭子裏相

漫飢亭集卷二十九 十

看都是畫中人

題張石州煙雨歸耕圖

我昔耕田古馬首農書一編常在手卽今委身錢穀中司

農媿不如老農鬢鬢蕭蕭已如此讀書事業可知矣何怪

思歸張季鷹鄉心不待秋風起君家絲蔓水我家漫飢亭

溪聲與山影百里如戶庭荷鋤者誰似相識胡爲箸書苦

心力一笑眞成笠屐圖片雲已逐雙飛翼冀缺歸耕孰餒

田梁鴻賃廡轉悽然余與石州皆何時共策烏犍去老向

桑麻社酒前

鶴舫相國以寫藻曩歲省親歸里續請展假手書相

示感賦二首

一紙陳衷曲回思十九年別離因念母呼籲竟通天
盛世包容大春暉覆照偏手書荷存錄感舊獨潸然
自分絲田隱無緣洛涖居

賜書邀

特筆鵝藻請假在籍 恩賜 御製文初集並平定回疆 戰圖故事 賜書由樞臣列名進上兩次均蒙 硃

筆添注臣名 頌賞洵異數也 叩

闕奉安輿再造

君恩重中年宦意疏卽今霜鬢改染翰欲何如

唐搨張長史書郎官壁記序題後

劍氣縱橫未易馴每於顛草見精神細看運腕藏鋒意豈
似濡頭爛醉人古紙餘妍香入室靈巖祕賞靜無塵臨摹

覆仇亭集卷二十九 十一

合付銀鈞筆千載猶存判牘新伯高以草書得名獨郎官 記乃真書世 鮮搨本介春

協揆所得王夢樓跋云是靈巖畢氏舊藏 爲唐搨不知卽鴻堂所刻王敬美家本否

題張文敏臨顏書論坐位祭姪文二帖

天瓶大筆冠時英心畫從來見性情太學一碑留典則平
原兩帖更縱橫若教

寶笈編摹入定付貞珉搨本行珍重玉虹題字在南張北

孔合齊名

題錢直卿 師璟 誦芬圖

江左推家學名門孰比倫采風久延跂遺像見精神恍與
清芬接何緣講畫親禮堂經史在寫定有傳人直卿嘗撰 嘉定錢氏

藝文 志略

黃桀卿少司馬

琮

歸養滇南寄懷二首

萬里榮歸日雙親老健時口銜

溫旨出心逐彩雲馳盛事堪圖畫羣寮動歎咨遙知春酒
熟萊舞看兒嬉

憶我還鄉里經年轉國門陳情容再瀆就養荷

殊恩老羨天倫樂交期古誼敦鼎鐘兼菽水獨許慰晨昏

己酉新春澄懷同直枉過寄舫戴鹿牀侍郎照寫竹

留贈題二絕句

雲山別墅三椽屋坐對森森碧玉簪傳語鄉人勤護惜居
然竹箭比東南

剡谿乘興能摹寫芒角榱桷生面開從此吾廬雪色壁紗

漫徂亭集卷二十九

三

籠還有好詩來

葉亭圖爲葉棣如閣學

觀儀題

自我來園居前後將二紀衡宇六七區牀竈隨所徙有如

春社燕相識皆舊壘池南余再居徑窄橋欲圯橋西牘破

屋廢爲馬廐矣君初來卜宅仙李適鄰比鐵梅相顧度地

侍郎

勢灑然心獨喜扇湖千頃煙瀉入銀灣水小阜雖不高西

山躍而起君曰宜築亭亭成客戾止鄰翁舉杯賀謂與柯

亭似勝境今特矧嘉名昔所企余時辭園廬雙橋隔淀市

退直輒過訪楹句曾留此拓將屋後三弓地放出湖錢唐

西一角山前年題句也

兩仙客圖記各擅美戴鹿牀畫沖澹忘俗緣奧曠挾精理

沈明亭記

澄懷多舊雨盛會繼前軌賤子幸追陪室遠心則邇緬思

八友圖風徽存杖履

乾隆丙子歲漳浦蔡文恭公以少司寇乞養將歸繼懷石交圖其同直七

人合爲澄懷八友圖八友者介休梁少詹事錫與錢塘周學士玉章會稽周學士長發武進程少司馬景伊安州陳副都御史惠華無錫張編修泰開長白少司馬觀保徽州汪文端公恂武進劉文定公仿少陵體作歌越九年甲申圖中人惟無錫張公仍內直其七人或遷或歸至是陸續入直又得七人則星齋陳公海住金公文園李公抱經盧公金圃謝公敬堂倪公曉園汪公也古藤華尙垂新翠竹堪倚年豐官事簡海隅若鏡砥茲亭信可樂觴詠從此始

題何子貞編修

紹基

延年益壽瓦當文用蘇齋韻

我藏蘇齋大觀本細字攷覈標分篆自云得之壬寅歲晉觀作堂手題扁持示東洲老居士如懷珠玉待精選居士一笑出此冊物必有偶互流轉此亦蘇齋壬寅物報君雅意媿不腆後先珍弄若有緣五十之年皆大衍瓦文四字

漫徂亭集卷二十九

三

何吉羊宜爲高堂祝福馘賦詩更爲居士壽金石刻畫追墳典故訓頻將輿義搜豪情不用腴辭翦觚生才薄思苦澀臂痛廢書猶勇勉蹉跎敢和石鼓歌放悲如親漢宮宴碑板何如古甌瓦阮公好古言誠善儀徵相國嘗云好舊碑板不如弄古甌瓦蘇齋二寶試衡較我當避舍甘懷卷

題元修少農郵行詩草

兩卷珠璣二百篇都將豪興付征鞭直從趙北燕南地吟到吳頭楚尾天煙樹影餘梁苑古金隄功溯漢臣賢諷咨別有關心處可似詞曹奉使年

徐方南下接姑蘇六代江山擁畫圖水落蛟龍初徙宅秋來鴻雁尙銜蘆高歌不覺風生腋歸思渾忘雪載塗曾到

退之詩句裏舊游清景許追摹

伏日退直述懷二首

溽暑網緇氣上升先秋三日轉炎蒸無情祇覺林蟬鬧不寐時聞慄馬騰南國橫流安有極北窗危坐欲何憑明知寒煥非人力膚汗侵衣尚語冰

聞道鯨鯢靜海堦那堪鴻雁散江天露臺自惜中人產兩粟誰分大造權比歲瘡痍猶未復一時撫字正須賢區區仰屋曾何補不獨流亾媿俸錢

七月四日蒙

恩以戶部尚書協辦大學士恭紀

樞垣密勿近

馮毓亭集卷二十九

酉

丹墀九載承

恩已不貲分職金倉慙會計仰瞻

雲日懷疇咨才疏每慮愆尤蹈守拙常懷盛滿持

宵旰殷憂時正切平章何以備參知

吳姓舫少宗伯

鍾駿

屬題游雁蕩圖適再奉

命視學浙江卽以贈行

我昔流觀雁蕩圖瀑布之奇天下妙及聞思補老人語

夫子嘗言此山瀑布得金鼓聲勢更盤紆乃歎畫工筆未到仙山隱見若有緣

後境豈必前蹤導亦如榷枿與蘭茝搜采既盡光始耀靈

巖龍洞世罕窺似與天台爭冥奧沈公遊後徑漸闕近者

朱文定李芝齡尚書詩特附先生說山如說土相實在心不以

貌篋輿肩頰屐齒折輒於佳處領其要歸來寫圖爲題句
清夢五年頭屢掉桃李門高今復開珊瑚樹大昔曾釣豈
惟多士久延跂定有山靈暗相召今劉阮笑古劉阮前輩
風流資嘯傲阮芸臺劉金門兩先生會同游天台刻石賦詩看君更賦第二圖收
攬奇觀凌海嶠

題張石州小栖雲亭圖

荐雷書屋十柏堂昔程侍郎爲君篆栖雲院古亭名新標
緲家山何處扁谿聲山影落窗枕勝地從來待人選舊宅
猶存三徑荒遠游且逐孤蓬轉歌成金石獨慷慨坐擁圖
書極精腆昌平山水天下奇靄橋數畝何平行爰卜佳兆
老復丁天之所篤俾爾馘輞水爭誇別業圖草堂不用春

漫徂亭集卷二十九 五

衣典嘯臺遺趾似陽泉鄉夢如雲不可翦嗟余與君共州
里遊宦歸心都未免漫徂亭接縣蔓水結伴登臨尙堪勉
胡爲栖栖感羈旅白首箸書不遑宴君看妙畫徑飛去前畫
已失此第二圖也造物相憐意殊善杜陵歸老桑麻田它日詩書
應漫卷石州所居陽泉山莊園林池館據吾州一邑之勝元遺山詩陽泉舊院卽此地也

題家靜齋學博三兄餉鶴圖

析津奉使記前年客館相逢喜欲顛小別時煩雙赤鯉冷
官猶擁一青氍詩書世守研經訓風雨人思對榻眠看取
畫圖行樂處知君氣已養胎仙

猗徂亭集卷三十

壽陽邢駕藻叔穎

古今體詩六十三首

己酉

十月二日奉

命使蜀敬紀

奉使初冬已戒寒客星遙向益州看卻瞻馬首鄉關近

驛程

適過壽陽擬差旋請假掃墓

漫說蠶叢蜀道難樞省正歌雲縵縵驛亭

重對月團圓頻年農政慙無補得效馳驅敢自安

留示六弟

市月遷除兩拜官

七月擢廣東都轉九月遷臬司瞻

天計日近長安老思兄弟團圓樂

猗徂亭集卷三十

恩重

君親報荅難雁陣回旋如有意鴻飛蹤跡本無端

弟於十一月計

可來都而予適出使道經鄉縣恰得與三兄晤聚

莫因聚散增惆悵努力雲霄路

正寬

良鄉行館

小雪過三日皇華第一程同人占野獲

鍾石帆董醞卿兩農部馬鹿滄比部

同行大有喜秋成

中禁衛

恩出西山導客行太行雲滿眼已有故鄉情

定興河上懷古

朝發涿鹿城莫息督亢水川原曠遐矚林木連雲起有懷

擊筑人慷慨悲燕市劫秦雖不成荆軻亦壯士至今易水
上寒風射眸子古人重義氣成敗非所擬高歌動白虹祖
龍魄已死矯矯駕部公楊椒山先生祠墓在墟里當其効權奸
豈不識利否延年一按劍漢廷肅綱紀奚用死灰然始信
冰山坦忠俠道攸殊趨義惟一軌古人不可作臨流淚爲
泚

涉唐水過定州宿新樂縣

兩水滌洞合

唐水與寇水合流

嘉山潑眼明樓鄰西樂里

漢中山孝王爲

其母作樓閣故名

地近曲陽城驛路浮沙遠雲陰釀雪輕春風亭

畔柳元侍郎蘇天爵亭在伏城驛南蘇村好與約歸程

定州行館見程春海侍郎前輩楹句云編枳籬環紅

復飢亭集卷三十

二

躑躅團蕉屋倚碧琅玕蓋中年書也感作

澄懷花竹有前緣退直歸來兩散仙猶記奉觴行樂地好
雲圍坐日如年侍郎會贈余聯云竹笑蘭言慈母堂前愛日永鶯遷燕賀高賢坐上好雲多蓋彼時兩家太夫人皆就養園廬也

儒雅風流筆陣雄後生誰敢薄雕蟲禮堂幸有傳人在寫

定終歸鄭小同公子卒遺一孫進官今年十歲頗聰穎

遺編每讀感心知多半元和贈荅詩余與石州子貞諸君哀集侍郎遺稿刊行

今日中山山下客爲誰惆悵立移時

伏城驛

誕降神靈地流傳事有無天將開混沌道必洩苞符佳氣

鍾恒嶽祥雲接慶都似聞龍馬出明月擁河圖蒙古語正月十六日

謂之龍馬出世書傳不載重譯
得之亦奇聞也賽鶴汀司農說

入山

不謂滹沱水西流送客回雲山千萬疊心目一時開夢境
明明是鄉音漸漸來翻疑釣游處豈有簡書催

曉發獲鹿過井陘宿胡桃園

斜月在天霜氣濃土門壁立無煙烽與人指點尙能說抱
犢海螺青數峯

七里瀧舟如紙寫一人一綫隨風牽篋輿載我井陘口夢
裏分明上瀨船

入山始
用緯行

小釜飼雞雞亂啼大釜飲馬羣馬嘶物情貴賤那可料黃

金掖垣鐵制笄

金多陶樂民人范博以掖垣鐵鮮猶
巍帝后製笄以飾首見酉陽雜俎

侵亂亭集卷三十

三

岷巖石炭走騾綱不斷鈴聲替戾岡黃土搏人沙作器欲
從遺竈問媧皇

清流灑灑激沙壩水磨人家傍麥田緜水自來人自去客
心何苦更纏絲

龍窩寺底老龍眠龍洞幽深別有天但願興雲作霖雨莫
教餘怒決平川

入平定界

傳聞星使有輝光父老欵獻候路旁共道板輿會奉母於
今旌節又還鄉停車暫憩重關月攬鏡空慙兩鬢霜爲報
殷勤相愛意石田茅屋未全荒

石門口

樓閣倚山顛登臨一豁然高齊碑可讀僞武字空鐫石筍
忽孤立厓松多倒懸靈風如戒客雪意逼寒天

宿平定西關

下馬入門鐙火親旅人卽次如歸人連山占象得婚媾永
夕留歡兼主賓感君翦蔬載尊酒念我攬轡馳風塵秦關
蜀棧未云遠請看天涯猶比鄰

壽陽郭外與三兄別

懸車出石艾晨光猶熹微行行壽水陽暝色棲林霏邑侯
喜我來城郭羅旌旗鄉人喜我來奔走如脫鞵下車拜阿
兄未暇整行衣兄曰吾見汝但恨目力希攬袂一握手有
淚不忍揮念此五年別蒼茫千里違相看各衰老安問瘳

漫仇亭集卷三十

四

與肥童穉汝未識漸能勝帶圍今夕復何夕鐙燭何光輝
舉觴胡不醉念汝今暫歸嚴寒遠行役隴阪高崔巍驪駒
已在門不遑叩荆扉吾欲送汝去力不能奮飛再拜謝阿
兄欲別重依依王事亦有程行當旋京畿松楸許展謁
君恩或庶幾所悲衣錦榮養不逮庭闈尙願對牀語爲兄
大耄祈努力愛景光春草還芳菲

祁大夫祠敬謁感賦

祁縣書院

惟祁古著姓系出軒轅紀陶唐祖伊耆派衍有由始自晉
大夫後世以祁爲氏七邑旣瓜分三家遂鼎峙吾宗雖散
處支別有條理高隱與忠烈燦然存信史

自晉孔賓詒明忠愍公代有名

人南北郡望殊多自河汾徙茲縣以氏名聞風尙興起馨

香食舊德百世修典祀崇祠啟講堂輪奐一何美地與宮

牆鄰絃誦切仰止比年授生徒仲氏實居此三兄主講昭餘書院數年

今夏以僉曰黃羊裔允宜式多士繫余家馬首采邑今墟

里邇來輯字說古訓究原委祁大夫字黃羊見呂覽近年余輯諸家字說架藏祠中

周官重六書名字相表裏時儒或曰笑大夫應色喜舉善

有家風諷咨媿奉使入門拜遺像乘驛緬前軌當時請老

歸憂國心未已進既無所援退更安所倚千載精神存放

悲接筵几先民信可作敬哉桑與梓

望縣山

從來謀國總忘家羈勒何功忍自誇深谷已甘儕雀鼠宮

門誰爲賦龍蛇黃金鑄像終無益白水盟心更可嗟縣上

漫欲亭集卷三十

五

祠堂今在否斷林寒日有歸鴉

郭有道阡

弋羅何處視焦明縹緲仙舟自在行叔度不妨傾後輩中

郎翻覺媿先生荒原古木圍祠宇落日寒山擁縣城千古

公佗似同調題碑豈爲博書名傳青主補書蔡碑

冷泉關靈石

平明出山郭犖确傍河濱行見管泠水言尋冠爵津水經注一

作寇爵卽雀鼠谷冷泉無覓處破寺偶逢人回首繁華地風光迥

出塵

兩渡鎮晤何刺史榮經

渡口望橫汾虹橋跨水分客心如倚棹樵路已侵雲往者

雙谿老今之萬石君餘風見淳樸相送愧殷勤

韓侯嶺謁淮陰祠墓

不能辟穀學神仙更宥希蹤魯仲連國士尙聞酬智伯主
恩終勝置繇田解衣推食誠無恨烏盡弓藏亦可憐今日
王孫祠下過一杯猶對漢山川

望霍山

經旬厭登陟山國何繇邈奇觀忽闖露東南見太岳雲煙
莽蒼中去天不盈握大山宮小山斯論千古確回思太行
陘氣象莫與角何況衆培塿渺焉詎可學五嶽視三公作
鎮仰高卓有如端嚴士正笏侍帷幄聲色屹不動至寶已
在璞温公與潞公吾鄉僂先覺秉氣得雄厚謀國必誠慤
乃知包容力萬物歸彫琢西征想太華仙掌雲中擢便思
把芙蓉行將問鸞鷲

自霍州山行抵趙城

水急煙橫斷山高日上遲鄉關暗超越客路覺孤危往歲
萑苻警連城羽檄馳時平想忠節指點故侯祠

趙城之變
邑侯楊菊

泉延亮死之今
建專祠奉祀

洪洞

楊侯吾故國馬首昔東遷一去大槐樹經今五百年

余家
明洪

武初自洪洞大
槐樹遷壽陽

蒼茫問家室感慨付雲煙惟見雙渠水清

流抱郭田

澗水出岳陽
南入汾水

玉峰書院寄懷六弟

王峯恰對講堂開會爲諸生問字來坐席未安鄰警至登
陣不待縣符催乙未歲弟幼章主講洪洞適值趙城之變
擊散賊衆賊來攻城守禦部置縣令俞君悉委之弟
城得保全辦弦歌久已銷鋒鏑保障今方捍患災黃州武昌
兩郡連年災莽莽炎荒多盜賊

朝廷遷擢正需才

平陽郡城喜逢周竹谿維新太守歸里

江海十年別相逢一解顏吾方叱馭去君已倦飛還興頌
傳南國移文笑北山城頭貌姑射或許共躋攀

汾上聞雁二首

客行日以遠歲莫不知歸征雁鳴何急將南更北飛
關隴渺無極役車殊未休悠悠汾水去不肖向東流

《優仇亭集卷三十 七

陽城李松溪毅國士橋詩豈有英雄輕去就可憐恩

怨太分明二語翻案生新於當日情事似有未盡作
此解之松溪名句固不可沒也

孟談亦是知幾士智果還爲盡族行沈竈產蛙原太逼漆
頭爲器更無情不聞杵臼甘先死猶有青芹恥獨生莫作
尋常恩怨看當年心事本分明

候馬驛館晤絳州段怡園仲庚改名炳圻

羨君瀟灑得天真仕宦歸來迥出塵同學少年惟我少而
今已是白頭人

聞鷺湖上柳條秋宣武城南踏月游今夕相看鐙燭下舉

觴重話杜陵愁

仙碑碧落渺煙雲絳守園居亦妙文說與君家雙驥子好
從柯古證新聞

老來拈筆轉新奇脫手連篇絕妙詞從此綠楊城郭裏家
家爭唱段黃鸝君近戲爲黃鸝詩百二十首

寄懷裴鍊軒太守卽贈其弟驍

三眷家聲遠離居歲月長彩雲今出守鍊軒今官雲南楚雄太守其子虹玉

丙午副榜綠野昔登堂陰德門將大遺書學必昌老成吾及見

感舊獨蒼茫尊人與先大夫同官農部至相善

聞喜安邑途次再晤郝夢山臺魁聞其有子而慧喜

賦貽之

相逢先問衮師驕話別方慙鬢雪飄老去明珠真愛惜年

微飢亭集卷三十 八

來舊雨轉蕭條詩人合住王官谷過客仍題國士橋細酌

流霞重翦燭猶疑清夢隔雲霄

小憩猗氏道旁古寺遇陳孝廉鴻林邑之郭村人已亥舉人設館寺中寺

在村西北里許

下馬得書聲虛窗曉日明悠悠逢逆旅款款見鄉情山色

中條近村煙四望平煎茶問風俗喜說長官清猗氏令傅凌煙獻著

曾任神池晉之廉吏也

渡黃河 十一月七日

曉發風陵渡橫舟鼓角催大河千里曲高掌五雲開日擁

秦關出冰浮塞雪來故鄉迴首處客路信悠悠

宿岳寺萬壽閣望華山夜發渡敷水曉憩蓮花寺抵

華州

渡河西去風煙掣斜日三峯出高潔寺樓氣與山相埒引
手蓮華翠可擷清夢未了鳴檐鏤秉炬出門水流咽曉來
左顧忽驚絕太華雲連少華雪寒林織煙亂行列山椒屋
脊遠明滅道旁石筍如斷碣老樹似字能波折古剎經火
泥壁裂舊題記與老衲別三十九年飛電警嘉慶辛未癸酉秋冬間會
雨過僧言對山有龍泉天池上與銀河連烏道橫絕峨眉
顛欲往從之心茫然

赤水鎮

平原鬱鬱有人家野店蕭蕭駐客車新米上街喧東雀舊
詩題壁剩塗鴉雲開已覺藍田近樹斷遙看渭水斜便借

侵仇亭集卷三十

九

畫圖銷旅思秦中風景似京華

新豐

從來野語笑齊東漢史傳聞事竟同一自風雲過故沛頓
教鷄犬識新豐杯羹家事艱危後絲繆朝儀草莽中可是
錦衣歸太急沐猴千古恨重瞳

灰埕相傳始皇焚書處

硎谷知何處硎谷阮儒處灰埕尚有灰六經終不滅一炬竟先

災慘澹陰符出蒼茫赤帝來至今原上草秋燒滿荒臺

周道昔云墜羣言多異同不經秦火劫誰識漢儒功口授
篇章外心傳訓詁中嶧碑焚已久刻畫信徒工

函館

幽館經行處風詩想像間巘原真入畫桑棗自成灣陶穴
民風古張弓士氣嫺

時州牧校武試

停車看積雪曉日滿空山

邠州西二十里登大石佛閣

策杖循危磴摩厓讀舊碑化人遺寶相汎國近邊陲欲鑿
南山石仍鑄七月詩酌匏何處薦佩玉想威儀

夕次長武

邊城傳說漢陰盤地迴天高朔氣寒落日鷁觚原上望浮
雲東下是長安

地極高四望不見山

涇城三章

涇城之西惟古同中曰西王母瑤池之宮宮於山顛梁於
水泝我行悠悠將適何所 涇城之西山徑孔延似有人

襍詩集卷三十

十

居不見炊烟有車有駝自西徂東我行悠悠將適空同

高原際天四不見山涇城之西乃降於川川原紛糾陟彼
隴首我行悠悠歲聿云周

轡窗玻璃曉寒噓結戲以指畫蘭一叢連日變態生
新畫筆不能到也爲冰蘭詩以紀之

幽芳在空谷無人甘自屏何來風塵中見此冰雪影墮帷
一片烟噓結曉光靜彈指偶一試花葉儼修整詰朝忽驚
詫舊態生新靚綽約窈窕間離合神光併天巧非人爲畫
工殊不省自憐託質微素心抱耿耿得侍君子輿拂拭已
云幸但恐朝陽晞不畏繁霜冷何繇紉作佩聞香與之永

過彈箏峽

西去瓦亭驛二十里在固原州東

寺樓層疊路迴環一綫奔流四面山日暮郵亭何處宿斷

雲殘雪過蕭關

石壁刻蕭關
鎖鑰四字

十一月十八日曉發瓦亭渡六盤山

荒亭風急夢難成破曉衝寒跋馬行雪後山如少年老天

邊月是故鄉明低徊往事頻看鏡慷慨當時欲請纓

嘉慶癸酉

那文毅自蘭州督兵過此
余從先君子客公幕同行

今日白頭重過此僧寮已改況

題名

僧號大澈

會甯晤吳復齋大令

性成改名信臣

度隴日登降爰涉祖厲水冰雪走玉龍蜿蜒五十里兩山
屹對立土石雜赤紫其水不可飲斥鹵間泥滓厓深井難
鑿泉苦味差似居民以窖蓄惟雨雪是恃力不辦一窖其

○漫叟亭集卷三十

十一

家必流徙會州固山國民勞乃至此君如吳隱之到官旬
日耳一畝亦分明其它可知矣時俗薄廉吏但謂清在己
不知益何事相與趣貪鄙隴西古名郡吏治今稍靡斷斷
清濁間紛攘殊未已清且畏人知濁流眾所恥請看漢守
令必自興廉始

得六弟書

近有關中使遙傳漢上書開緘聊見汝遠道轉愁予京洛

塵猶在

弟於月之八日
自鄭州發書

鄉園夢久疏五年艱一面相望各

躊躇

聞說槃瓠種跳梁楚粵交

書云湖南新甯縣匪徒
十月十三日據城戍官

燎原須

早撲伏莽恐旁鈔比歲鴻飛野何時鳳在郊終當謀保障

毋但責包茅

惆悵

蓋篋緘藏歲月深故香殘色總沈沈裁縫已是當年事檢
點難爲此日心無復短鑑思遠道更堪邊月送寒礎幾回
欲著還惆悵不待霑裳已不禁

王公橋

安定縣地乾隆間蘭州太守王廷瓚修故名今久廢矣道光二十一年縣令史翊別修土

道至今便之晴嵐山在其西陡曲險與六盤山同

山神祠鐘款青龍尾山官道

天外青龍掉尾來地中車馬出奔雷百年鞭石幾時斷萬
里梯山今更開行道居然歌兌矣苦寒得不念艱哉茲遊
差幸無風雪且對晴嵐一舉杯

晴嵐山寄懷伊犁薩湘林將軍

饒欲亭集卷三十

三

不賦西征四十年絡盤獬道說茫然鷄鳴下見煙中屋龜
坼平鋪雪後田持節敢云同汲黯乘槎何處覓張騫詩成
欲託冥鴻去碎葉城高直到天

君題六盤山有十年六度六盤山之句

小憩巉口堡

安定縣西四十里

山如階級路如弓行盡坡陀迤邐中遙見村居知水近偶
詢麥價覺年豐羣鷄上屋人看客午日當窗雪照空巉口
農家最淳樸讀書應有好兒童

復仇亭集卷三十一

壽陽祁寯藻叔穎

古今體詩四十四首

己酉庚戌

十一月二十八日抵泉蘭行館奉簡馮曉滄比部董
醞卿鍾石帆兩農部

隴雲萬疊隔春明坐對寒鐙話客程河自蘭山下蒲阪雪
從玉井接金城鄉心未免唐風戀驛使猶傳蜀道行

奉旨使

蜀面諭改赴甘肅省城

它日東歸尋舊迹看君佳句各編成

質莊親王集諸家聯景山水兩卷爲李季雲觀察

恩

慶題

國朝盛文藻

復仇亭集卷三十一

一

列聖實天授銀潢近奎壁光耀彌宇宙仰惟

純廟中文思咨教胄東序羅圖書三天蔚耆舊惟王秉異
姿學業日以懋造次必儒者春容盡撞扣餘力游藝事揮
翰揚綺繡六法更深造氣奪山水秀是時朝野問輦轂才
輻輳東平爲善樂河間聚書富縹緲米家山聯絲入懷袖
精心萃眾腕翔格得奇構云是明賢製巧絕誰與鬥王曰
姑試之凝思向清晝浮嵐斂一角遠意含萬斂上元鐙火
競虛室鑪煙逗回看坐上客玉堂正對雷傳觀遞嗟歎點
染爭往復十手儼一筆六轡工馳驟人生如飛鴻泥爪難

尋究自從三老歸悵望月幾殷崢嶸歲事改跌宕賓筵又
此時寫懷抱况復感物候蹊徑遂各闢藩籬不復囿飛騰

風生腋變化雲出岫乃知雙劍合不必一冶就怪君何處
得使我無心覲得毋念羈旅短檠伴寒漏石渠昔拜

賜筆法初窺寶

曩歲南齋校勘書畫曾蒙王畫山水一橫幅為德文莊公作

賜眼明復

見此連珠燦列宿未甘老顛下似出大癡右苔岑泯同異

蘭亭孰肥瘦近得數卷詩鏗鏘協金奏想見申白公曳裾

侍清酌

去年從廠肆購得王與師友唱和詩賦數卷殆同時流傳也

當時慨聚散繾綣

情何厚即今幾流轉我輩重邂逅君家三萬軸一一芸香

透此畫尤愛惜密字互緘覆崎嶇隴阪間懷璧將奚售側

聞葉氏卷粉本千金購曾入詒晉齋銀鈎題後所好儻

真龍鴻寶宜並壽

第一卷乾隆辛卯冬質莊親王因見明賢十人聯景米

馮執亭集卷三十一

二

山圖

振之劉原起道樛陳祿君度張宏通侯浦融文甫宋士瑛袁孔彰盛茂王峻俱為君平屬作紀年已

已閱二十六年續作者為邱嶽又五峯隱人盛年

以黃大癡法仿其製為長卷

一角俟深於畫者續之以集煙雲之勝幀端有壬辰上

元皇六子自識續作者毘陵錢司寇

維城

其弟季木

維喬

張國學玉川

洽

方供奉

婁水王中翰

宸

華亭董

上舍

富陽董侍讀

諡

濟南朱明府

文震

婁水毛中翰

上京

凡九人仁和李侍讀寶幢

汪度

題曰無聲聯唱蓋

用兩山居士毛氏論畫語朱明府題簽歛溪汪持齋

廷

輿 跋押縫

皇六子名印

第二卷亦李侍讀題曰異苔同岑朱明府題簽作者毛

上京 方琮

朱文震

王宸

董椿

董諡

凡六人末段乃

皇

六子作並八分跋時癸巳閏三月上澣錢司寇伯仲張國學已歸里矣前卷十人此卷七人位置與前卷稍別畫尾印曰御賜題畫句云學餘游藝亦工夫前卷皆從大癡落脈此卷各家逐段叅變王自製二紙亦作兩種筆意

明賢畫卷今藏漢陽葉氏東卿

志說

家或卽王託興之

本有成哲親王跋季雲曾見之云張君度卷屢見別本餘各家亦少名貴氣疑非真蹟

並記

道光二十九年十一月余奉使蘭州時甘涼道李季雲兼權按察使共事而月偶談及都門所藏書畫答云行篋只兩卷耳因出示並屬敘顛末余旣爲題詩弟二卷

復綴數行於弟一卷尾亦李君互錄跋文俟後人攷索

三

之意也

又記

遊制府後園遂登城北望河樓感舊述懷

臘日無風天氣暄主人留我游灌園

甘肅督署後園名

入門一曲

開東軒迴廊夾道交籬藩木葉旣落枝柯繁避人鳥雀爭

騰騫小亭低檻手可援連岡起伏如驚蛭老圃界畫泉潺

湲倚闌聊息箸腳煩回眺似有雙朱轡乘之可陟城北垣

拂雲樓

卽望河樓前楹

高雲亂翻黃河直接崑崙源冰橋踐雪車

馬喧

以二十四船爲橋冬則徑行冰上謂之水橋

下有千丈波濤掀西來天馬

通天宛隴樹東指咸陽原主人危坐客有言此邦鎖鑰天

西門慈嶺兩道兵四屯萬里一綫達

帝閣控馭中外節鉞尊野番回鶻瓊裘温饑鷹側目豺虎

蹲邊將日醉蒲桃樽守非其人寇卽婚漢唐得失不敢論

羈縻之義古所敦翦其支蔓固本根南望龍尾山名卽皋蘭西支乾

隆間阿文成公破撒拉爾逆回於此餘烟墩文成祠廟歸然存天陰似聞鐵

騎奔憶昔作客來西垠開元相國仍有孫文成之孫文毅嘉慶十六年官

陝甘總督十年去任爲我掃徑加盤飧此園樸素真山村兩載日

涉窮晨昏碑字鈎勒手留痕文毅家藏米老懷素墨蹟鈎勒上石余曾與其事池

水自清河水渾往事欲說聲先吞年少氣猛過孟賈豈料

齒豁頭髮髡人事變化鵬與鯤舊游重歷皆

君恩論交四海如弟昆吾舌豈爲主人捫歸來凍月側金

盆他日更約看朝暾

復仇亭集卷三十一

四

憶昔行

憶昔少年年十九從先君子客隴首春官試罷秋稼刈壯
志不屑田園守維時冑帥雅愛士一見輒許信非偶高門
公子有家法抑志虛懷敬賓友讀書每聞風雨集拔劍或
作蛟龍吼五泉脩袂補圖書九日登臨縱詩酒青鐙兩載
共論心絳帳一朝慙揮手回思馳馬六盤道峻阪直下千
丈陡高情且擢玉井蓮離緒不牽灞橋柳是時衛滑方用
兵投筆徑思衣短後令公勲勞在藝鼎賤子文章亦組綬
四十年來人事異白雲變幻如蒼狗而我垂老更西邁知
已未酬恐終負比年莽莽海氛惡蜃市雲煙逼刁斗大河
長隄屢衝決南國哀鴻數奔走司農仰屋日嗟歎金粟兩

生術何有太倉秬稻轉溟渤內府泉刀出隴畝輸將幸藉
土氣奮流離忍見民生培彌縫委曲國體大盤錯艱危

主恩厚登高望遠尙飛動力薄才疏柰衰朽金城形勢控
西陲天下精兵此淵藪軍儲每歲三百萬要令邊塞實糧

糗自從文毅罷節制豈乏武臣任桓赴蕭規終必賴曹隨

召父後難爲杜母護羌校尉去不還充國屯田今在否泉蘭

祀漢冠軍侯霍去病營平侯趙充國護羌校尉鄧訓曰三將軍

朝廷宵旰正疇咨將相權衡屬耆耆古來萬里倚長城泉

秦時臨洮北境也長城起自縣西沿河而東接連靖遠縣界在皋蘭境者計二百餘里大抵先聲奪

羣醜年豐民樂吏治肅何用倭遲歌四牡歸去田園儻未

蕪白頭甘作支離叟

復仇亭集卷三十一

五

行館曉坐

落枕寒聲想佩環五泉泉水繞城灣曉來何事鈎簾坐食

看東南一角山皋蘭山在城南五里有五泉曰甘露曰掬月曰摩子曰蒙曰惠又有瀑布東西岩

河橋

萬里崑崙水西來此一橋造舟仍古制題柱尙前朝枕席

師能過羌戎氣不驕憑闌正清晏猶憶霍嫖姚城西北鎮遠門外浮

橋明洪武初以巨舟二十四維之鐵柱河凍則拆水泮復建趙充國圖上方畧治橋道以制西域從枕席上過師則

橋之由來遠矣載皋蘭縣志

北嶺千重雪長河一夜冰彩虹藏不見銀漢聚而升凍豈

滯沱合寒應積石疑蟄雷何處伏吾意轉兢兢

鄉思

鄉思春前發年華客裏驚橋冰連遠塞嶺雪逼高城晴雜
風煙色寒稀鳥雀聲遙憐衡浦雁寂寞尚南征時六弟之官粵東

古漁同年明誼

以所藏董香光書王介甫金陵懷古

詞卷屬題

嘗怪孟東野低頭得退之誰云半山筆不及大江詞烏巷
斜陽地鴻堂夜雨時精靈雙劍合孰敢辨雄雌

蘭山書院

邊置用武地實賴文治撫頽宮禮樂宗書院爲之輔城東

宅爽塏五社生徒聚人材蔚風雲師教嚴鐘鼓胡姚錢唐人盛

元珍常及牛運震滋孫景烈武楷模在堂廡厥後吳先生

鎮松厓臨洮人多士亦鼓舞至今餘課業蘭山課業松厓先生編集又有松厓詩集想

漫仇亭集卷三十一

六

見用心苦憶從先君子講學洩茲土維時文毅公禮賢躬
握吐公曰吾得師如工示規矩士曰師之教如木就斤斧
文藝乃餘力蓄畬惟訓詁經義與治事二者實兼取賤子
廁其間趨庭偃僂俯時時奉講席漸漸涉書圃遂紬石室
藏且侍藜杖挂短鐙每近案長日不闕戶兩載獲三益芝
蘭幸與伍俞君德淵陶泉官至兩淮都轉邦之彥結交深肺腑終爲濟
時才遺愛滿江滸馬君疏由庶吉士改官知縣亦騰上時論歸尺五
出爲神明宰有子今接武落落諸同學文行悉可數爲儒

名著書作吏傳治譜嗟余好奇服垂老媿簪組崎嶇適隴

阪邂逅見環堵廣文吾故人隆德訓導楊君元勳但訝衣冠古不知

額書上姓名存某甫西河模楷額書諸生爲先君立浩浩大河水中有

砥柱可憐潢與港涓滴竟奚補幅巾重登堂歲月如發弩
青雲看後塵白首思舊雨作詩遺同舍所望紹鄒魯

瀕行得京寓書

十二月十八日

郵程閱五九判牘費兼旬餞歲仍爲客歸期正及春
立不嫌驪唱促且喜雁書頻遙憶屠蘇酒尊前望遠人

二十一日拜摺啟行回京復

命恭紀

初回隴外使車塵已是朝班待漏人萬里往來三益友
滄曉

醞卿一年迎送兩新春銷磨歲月慙高位控馭邊陲望重

石帆臣歸去農書猶及進

御園柳色正青勻

履齋亭集卷三十一

七

次荅曉滄醞卿石帆六盤山和張詩船中丞詩二首

莽莽隴山出涓涓涇水流行人方繭足積雪更攢眸高逐

雲邊鴈潛窺壑底蚪青絲馳峻阪曾憶少年不

登臨得佳句來往屬名流每倚高僧壁頻回倦客眸清譚

聊捉塵險語忽驚蚪爲問淮陰嶺題詩似此不

有感

郭解交游到鉅公漢廷循吏憶文翁杯觴談笑何多暇撫
字催科已兩窮坐使空倉肥雀鼠眼看高閣門雞蟲金城
自古安危繫莫道邊陲歲屢豐

金縣安定道中

簿書了卻此身閒誰謂馳驅行路艱積雪漫空車道嶺飛

流送客馬銜山馬銜山亦作馬
寒山在金縣南歲華不覺天邊度是日春
立春
色先從隴外還茆店幾家聞爆竹竈觚錫酒正開顏

車道嶺安定縣西

盤空萬疊走蜿蜒縹緲繩輿往復旋仰視浮雲入飛鳥下
臨絕壁起炊煙山田一飽猶難得匡樹孤生亦可憐雪窖
居民吾媿汝且斟茗茗抵甘泉

安定城館喜遇馬南園山長疏

君已抽簪二十年那堪重話卅年前金城舊雨今無幾絳
帳高風老更傳作吏誰知山澤樂還家且喜子孫賢別來
爲憶相逢處春在邊城夕照邊

破梳

復仇亭集卷三十一 八

鬢髮年來半雪霜蕭疏惟爾共行藏挑燈每助吟詩興攬
鏡還憐作客忙一自折釵沈古井便如團扇棄空箱多情
祇有香山老黯澹緋衫未忍忘

再過王公橋疊前韻

聞說秋霖挾浪來兩厓合沓走風雷龍蛇起陸誠難料豺
虎當關定莫開東道藩籬猶藉此北山斤斧亦何哉祠旁
野叟曾相識新雪烹茶已滿杯

出夏家寨口小憩雞嘴人家會甯縣地

谷暗衣裳冷厓開耳目新遠疑山讓地晴覺日憐人野堠
聞官過村氓看客親天涯有時節白屋氣先春

隴上寄六弟粵東

昨遇慶原老太守爲言吾弟手書楹勤求公事非多事屏
卻私情是近情月前六盤山遇慶陽太守步香南際桐述弟聯語斯語堪爲同志
勸幾人能得此心平更須斟酌公私際莫使鳴蛙兩部爭

會甯山中

一條雪練掣寒光兩壁丹砂削劍鉞直恐土囊霾白日翻
疑銀漢溢紅牆喧呼但訝人聲急側立還愁馬足僵猶有
茅茨時隱見欲尋樵路轉微茫

自靜甯州東行九十里至隆德縣城

隴干城東路寒林翳村堡春風幾日吹枝幹已自好兩厓
夾人立巨石向我倒隴水繞其足如帶細縈抱山開川路
平沙淨日光皓楊柳生遠烟冰雪點晴昊憶昨所經過童
山乏寸草水泉味苦澀日日唇吻燥何期得清曠爲我滌
煩惱况逢佳主人驛館先灑掃雙牛駕碌碡農事亦何早
此水入秦州同谷憐杜老茅茨千載後遺蹟足搜討遠游
易悲慨放懷慰枯槁層陰暮又合明日絡盤道

除夕宿瓦亭驛

六十年中經歷事四千里外宦游人重來隴阪歲云莫默
數巖更夜嚮晨東望瑤池寒有雪西瞻玉塞靜無塵客懷
底用增惆悵已覺椒盤氣象新

瓦亭驛館述懷呈曉滄醜卿石帆三司長

今夕定何夕鐙火爛如晝客從隴外歸息此路旁堠同行
三四人萬里倏往復雨雪導我先楊柳送我後山僧亦有

情筆札得邂逅乾坤何浩蕩歲月暗奔驟壯年侍板輿嚴
冬發楚岫大河渺難涉曾冰橫急溜徘徊榮澤縣歲莫無
親舊蔡侯意有餘寘酒羅邊豆使我顏色歡逆旅奉慈壽
乙酉冬湖南學政
差旋榮澤守歲 爲客令人老追思時內疚瓦亭一小驛
風俗見節候居然冠蓋集且喜朋簪湊論詩共翦燭問夜
如待漏諸君濟時才吾衰幸及覲鄰鷄非惡聲櫪馬已嘶
廐永懷明發篇兀坐夢難就

瓦亭東二十里過彈箏峽 固原州地

隴山高不奇奇觀乃在峽山與水爭地天宇爲之狹水與
人爭道清激不可狎一條冰雪光太阿忽穿匣中有玉龍
吟萬古聲歎欲上有縹緲樓闌楯凌空插想見飛仙侶玉

侵仇亭集卷三十一 十

柱鏗銀甲斑駁厓壁字紅綠嵌岌業沈侯句絕妙似得謫
仙法是日正元日幽徑行旅乏停輿恣攀躋躡磴衣共扱
寒流觸危石眾響猶嗶嗶嗶嗶伏秋漲山力不能來蕭關
古天險鎖鑰孰敢劫豺虎化鸞鳳時平游興洽羽人如野
禽見客氣爲憐孤松獨有態翠偃風搖筆蕭條雪欲來馬
頭雲亂壓吾意轉遲回非爲度隴怯 彈箏峽唐德宗時官
軍守此渾城亦據守

此口見明趙時
春撰平涼府志

至和丙申閏月晦日彈箏峽詩沈唐公述泉聲與巖綠

清咽瀉餘悲水到不流日絃應是絕時調長終古在人
聽至今疑莫恃潺湲險胡爲自覆師馬用賢子擢劉洵

孚伯彭再嵩宗旦此詩刻南厓東峽口壁上 并記

正月三日曉行微雨

春來剛十日好雨恰依時似雪不成絮如烟仍散絲塵消
衣暗著土潤草先知漸喜秦川近風光上柳枝

回中山謁西王母祠

涇州城西二里

秋風黃竹總堪哀誰見瑤池彩鳳來宴飲不聞王在鎬鏡

歌空憶上之回只今雲氣收殘雨終古河流挾怒雷

涇水南會於山下其流回曲白鹿已歸天馬得神仙儻許屬雄才

西來周穆

漢武會王母於瑤池卽此地
詳涇州志所載陶穀祠記

涇東原上大雪

正月四日

高原四無山竄望不可極官道直東西農田亘南北寥寥

數村舍慘澹寒林色竟日百里間雪霰無休息野曠絕烏

櫻欖亭集卷三十一

七

聲道長限馬力客行畏遲莫非爲簡書逼京國書不來我

心日以惻仰觀天四垂陰雲正如墨

夜宿長武縣西廳留贈張梅生

正脩大令

萬里客歸初遇雪平原風靜且停車經過隴阪崎嶇路看

到瑤池爛漫花古轍紛紛尋馬跡寒林簇簇見人家山城

最是豐年樂吠犬生鼈夜不譁

曉發長武

官鼓紉如鐙燭輝遲明爲客開郊扉雪消野塊亂鴉點厓

斷堦垣驚雉飛幽土晚寒民事亟涇原春曉行人稀坡陀

幾折向前路林表一痕明翠微

哀流民

連年荆楚災流民去復來江漢城高蛟龍怒瀟湘澤遠鴻雁哀聞說內帑三十萬

皇恩特沛由

宸斷可憐三戶蓋藏盡升斗未及先流散蜀山嶽釜隴水咽骨肉羈孤生死半邠郊石佛寺老衲向我言近者九江民劫奪僧寺錢使爾飢驅且爲盜爾臯可誅我心悼司農八載亦數奇水旱兵戎靡不到今將去隴東適秦眼中又復哀流民爲馬官爲牧不求芻秣反擇肉比年崆峒小麥熟郡縣無端糶倉穀穀價生息甘肅州縣虧空積弊已具疏議禁矣

牽夫謠

朝牽西夕牽東西登隴阪雪我我東涉涇汭冰沖沖東來西去無朝夕我生胡爲傍官驛官家牽夫用壯丁老弱婦女猶可耕自從西陲罷征戰邊城玉貴倉穀賤公事日少私事多踵決肩摩走郵傳側聞官吏相疑猜東南又見使車來牽夫雖苦願迎送萬一飛蝗化爲鳳

漫仇亭集卷三十一

七

贈涇陽徐董園

正誼故太常少卿熙菴先生之子

京國論心感舊遊空餘翰札對牢愁飛騰後輩看涇水清峻家風得李舟天外蓮花知久待去冬相候於華寺今再晤於醴泉山中桂樹可長留會看騏驥材方騁卻媿馳驅老未休

咸陽原上

高冢連天野燒空當年鬱鬱復葱葱如何萬古精靈氣祇在寒鴉夕照中

灞橋感懷楊密峯中丞 名巖

楊公去後亭猶在灞上行人感慨過莫怪文沙成貝錦古
來離恨此橋多 橋在長安城東二十里

陌上東風楊柳斜可能作絮只飛花請看河畔栽桑地機
杼長安十萬家 橋工堅固費十餘萬金餘貫並成灃橋河
畔植桑彌望選城固機匠教織郡人至今
猶傳述之

華清池

滔天禍水出龍漦流恨煎愁到此池烽火幾朝經劫後温
泉何日是寒時鸚哥莫問開元事牛女空吟七夕詩惟有
驪宮千歲柏森森猶似拂旌旗

觀驪山石刻

馮劬亭集卷三十一 三

星辰湯上箴銘在大筆燕公託諷深猶有金源兩片石能
將綺思寫愁心 唐張說温泉箴 金僕散汝弼
風流子詞 金移刺霖七絕

正月十三日大風渡黃河

客豈不欲行奈此風浪惡大河橫我前狂飆裂虛閣晨起
雲亂飛亭午日光薄鑪灰死不然簪酒孰與酌主人色躄
踏客意轉蕭索揮手決獨往長揖出山郭東風逆浪來沸
湯如鼓橐一葉委中流黃沙天四幕人聲與鷗聲併力互
前卻雖云方舟鶩祇恐布帆弱稍近北岸山繫纜得垠塢
回瞻浮槎路雲漢莽寥廓誰為東道主吾欲神靈託送者
自厓返沈沈閉關鑰檣烏獨有情飛鳴繞林壑

元夕雨 北相驛屬安邑縣

秦嶺猶栖雪長河已泮冰春隨一夜雨寒入上元鐙旅館
愁應減豐年夢可憑曉看村樹外新綠起煙塍

夏縣寄懷毛冠三 應觀

南國老儒吏十年歸故山 君博通經史著有經圖策考律呂正音諸書余視學江左君爲

雙縣史家今涑水經術古河間尚有孫傳視應無客敬關

何由問花竹把卷對開顏

皋陶廟 洪洞縣南十里

社祭仍千古民懷尙萬家空庭懾魑魅老柏鬱龍蛇但覺
心寬粟何嫌面削瓜蠻夷兼寇賊天使贊重華

漫徂亭集卷三十二

壽陽祁奮藻叔穎

古今體詩四十三首

道光庚戌
咸豐辛亥至甲寅

和三兄閒齋詩四首

閒翁真是素心人
獨坐閒齋得句新
惟有白頭老兄弟
退朝相對即閒民

同甲誰爲丙午人

聞見錄文潞公爲
同甲會皆丙午人

春來但覺歲華新
捫

芻尙有雄豪在
莫道先生是散民

席閒子弟兩三人
問字攤書發興新
應笑當官忙底事
十年負版媿司民

還鄉偶似錦衣人
故里雲山入夢新
何日扶藜攜社酒
耦

耕長作葛天民

漫徂亭集卷三十二

三兄賀得孫次和

三索三男得先庚
卜後庚

兄於今年春得第三孫名曰庚
吉此孫伏日生因名福初適協

庚庚相續之義

年來家慶積
老去宦心平
桑果須勤植
荆花好並

榮抱孫同一笑
慰我弟兄情

新城陳子鶴大司寇蒙

恩歸養屬書堂
額卽題奉餞十二韻

一代絲綸手中朝
磊落人

君恩兼母壽
孝子卽良臣

司寇嘗蒙
清正良臣額書

拜舞承

溫旨褒榮軼等倫
夔龍覘契合烏鳥
許情陳陰陰德門
方大

儒風席自珍
南陔娛歲月
北極動星辰
惜別周廬影
難分

繞膝身樓臺何地起甘旨此堂親曉露森庭竹秋江味野
蕪晨昏皆

帝賜菽水亦

皇仁卻顧彭宣老多慙公瑾醇賦詩同燕賀紗幔祝長春

尊公雪香先生
舊藻入學師也

夢中得句醒足成之呈三兄

天寬地窄小茅廬長夏槐陰好讀書寄語閒齋應一笑打
頭恰是欠伸餘

中秋前三日還園居

落日隔西崦餘光明遠埃薔花高笠過荷葉小車來淀市
秋仍熱園扉晚尙開紛紛蘿薛月人影共徘徊

漫劄亭集卷三十一 二

三兄將歸里留詩爲別次和二首

驪駒將北發鴻雁欲南回六弟初擢湖南布政使仍辦理廣東軍務何日成三

老還鄉共一杯但教松菊在莫歎雪霜摧秋色瞻衡宇聊
吟歸去來

萬里金城路團團月幾回驛亭容駐馬山館記銜杯去冬奉使

蘭州往來經過作客心猶壯論詩氣不摧兄於四月來都至九月得詩七

吾邑與兄相見十餘閒齋留一榻它日喜重來

再和三兄六月四日見贈之作

吾兄來京國閱日十旬五但遂孔懷樂不憚遠行苦初來
淀園居尙厭蛙兩部杖藜偶入城復喜朋簪聚虛室延晨
曦涼棚捲夜雨笑余數往還衣服半塵土閉目日危坐似

欲忘聽親袖出一編詩杜韓爭步武上言崇令德昔賢可
比數下言勤職守仰答

明聖主憶與吾弟別再聽山城鼓過門不暇入力爲王事
努永念

朝廷恩榮及伯仲甫無爲衰朽念期作中流柱願兄老益
壯媿我施未溥歸思及重九秋陽變春煦相期保晚節黃
華馨老圃

賜觀晉臣王羲之快雪時晴帖墨蹟敬題

天門鳳闕雲霞爛塵世何繇覩神翰傳聞二十八驪珠
寶笈收藏此爲冠三希

精鑑屢

猥札亭集卷三十二 三

標題萬本臨撫發璀璨每從蠶蠟見精神何況瓊瑤親几
案雲端林表動佳想繭紙晴窗雪花粲銀鈎鐵畫數行字
風骨端莊趣怡渙仰瞻

天藻麗奎壁浩若滄溟納江漢雲林兩幀更傳神

撫景拈吟寫清宴唐宗好古力搜求祇爲書家留傳讚豈
知

淵衷周品物游藝原非事珍玩我

皇握符契

先揆萬卷圖書

一誠貫

幾餘考鏡到石渠簡冊紬尋出東觀山陰妙墨卽蘭亭

詔許傳觀共驚歎心正筆正眞諦存肥瘦何須苦分判溯源王氏逮顏柳一脈相承靜可按憶窺

祕府蘇米蹟宋蘇軾武昌西山詩米黻天衣禪師碑墨蹟皆行書逸氣縱橫恣汗漫

細參此帖獨圓勁鍾張未遠存質翰中秋伯遠亦希珍晉

代風流思運腕三希堂以此帖及王獻之中秋帖王珣伯遠帖得名世間雞鶩徒

紛紜

天上星雲自糾縷小臣眼福一何幸

聖學心傳末由贊雨暘應律休徵符干羽舞階

文德煥萬方安善慰

宸懷珥筆攄誠荅

宵吁

漫札亭集卷三十一 四

謹案 石渠寶笈首載此帖素牋本行書二十四字後

有山陰張侯四字又君倩二字幅前有廷字印明吳廷餘清齋

元趙孟頫劉廣護都沓兒均奉敕跋明王穉登跋明汪

道會文震亨吳廷均有跋冊首

高宗御筆神乎技矣四字又以褻冊副紙瑩潔仿雲林畫

二幅 題詩於冊首冊凡十四幅古錦護帙素綾裏幅

上有董邦達水墨山水冊末幅張若靄畫梅石冊中

題詩數千百言詠雪喜晴每歲拈吟寄興多書諸冊並

附臣工諸跋

此帖自金元已入御府王穉登跋朱太傅所藏二王眞

蹟共十四卷惟右軍快雪大令送梨二帖乃是手墨餘

皆雙鉤廓填耳咸豐元年七月二十四日 賜南書房

翰林同觀墨蹟並 命臣 竊藻賦七言古詩一篇曷勝

榮幸之至謹記

題松雪十札墨搨

石家梅竹妙如何也抵山陰道士驚碧蓋香環都愛惜多

情眞是趙鷗波

君家落水有蘭亭筆法精神得暮齡恨不相從飛棹去嚴

灘爲乞水仙靈

由昆明湖泛舟過金鼇玉蝀橋

召對鑑遠堂退直恭紀

藕香榭外水天秋仙侶從容許泛舟

是日樞廷同直麟梅谷尙書魁邵又村侍

復仇亭集卷三十二

五

即燥穆清軒光祿蔭

金勒不須煩控騎銀河元自傍牽牛煙波浩渺

嵐光接樓閣參差樹色浮

召對歸來移畫舫忘機眞欲逐沙鷗

仲秋送三兄歸里二首

春來秋去只尋常一笑眞成社燕忙

兄近得句云作客無心隨社燕還家似欲

問耕牛

危坐吟詩忘作客對牀聽雨卽還鄉亦知兄弟難爲

別差幸田園未就荒樓北祠堂新灑掃晴窗冬日好焚香

吾家支祠今年落成

楚粵烽煙苦未銷此身何計伴漁樵十年京國成衰鬢八

月江城有怒潮問夜坐看星耿耿驚寒心逐鴈迢迢黃華

老圃如相憶更約重來慰寂寥

香山直廬次彭詠莪蘊章少司空韵

秋林絢爛嶺雲開曾見三班九老來乾隆三十六年賜三班九老宴遊香山蓋以文職武職致仕老臣各九人為三班君曾祖尚書公時以兵部侍郎致仕為九老之一香案詞臣感先澤樞垣履跡接中台欣陪儗直簪豪侶每羨登高作賦才卉載書齋慙後輩白頭吟望重低徊

謹案乾隆辛卯恭逢

皇太后八旬萬壽

賜三班九老宴遊香山畫院文啟蒙繪圖文職九老顯親王衍璜恒親王崇志大學士劉統勳協辦大學士官保吏部尚書託庸戶部尚書素爾訥刑部尚書楊廷璋刑部侍郎吳紹詩工部侍郎三和武職九老都統四格曹

韻飢亭集卷三十一 六

瑞散秩大臣國多歡散秩大臣銜甘都副都統伊崧阿薩哈岱李生輝富僧阿色瑞察致仕九老刑部尚書銜錢陳羣內大臣福祿禮部尚書陳惠華兵部侍郎彭啟豐禮部侍郎銜鄒一桂副都御史呂熾內閣學士陸宗楷詹事陳浩國子監司業銜王世芳

詠莪先生宿靜默寺見贈次韵奉荅

玉躑躅西雙板扉移家恰喜雪霏微芳鄰到處追隨共頌寓御河橋舊兩年來唱和稀杜老每懷軍國計陶公閒西與君比鄰

看岫雲飛破門忽得新詩句把卷渾忘退食歸

附錄元作

古寺幽深靜掩扉撲窗風力夜來微藥鑪酒盞居相伴

竹徑苔門客到稀
曉霧霑衣鏗火暗
寒雲披絮雪花飛
金鼇退食芳鄰卜
計日移家便似歸

十月十九日

恩賜貂冠茶紀

一朵紅雲出紫微
彈冠

恩許近光暉
戴山敢效靈鼇捧

日先瞻彩鳳飛

前一日殿頒

恩詔

太和煥帶鑪煙籠

御案晴分砌雪點朝衣

冬日例服緣貂朝衣

天顏咫尺心彌慄
下拜還思辨等威

得六弟金陵書感寄二首

癸丑正月

恩重慙

履齋亭集卷三十二

七

君父時危念弟兄
大江浩渺劇盜且縱橫
汝在書猶達
吾衰命亦輕
挑鐙翫手札便恐畢平生

少日同憂患
中年各奮飛
遭逢殊不料
時事乃多違
報

國心仍壯思親泪
暗揮何由見
顏色夢寐或相依

哭六弟幼章三首

咸豐三年正月三十日弟以金陵守城歐血殞命二月初十日省城

密

昨作兩篇詩揮泪
寄吾弟賊氛蔽大江
不知何路遞連日
見軍報
芻皇無所底
初云汝登陴
歐血已病瘠
繼云病不支
衙恨隕官邸
余時直樞垣
疏下不能啟
欲讀恐失聲
欲哭懼非禮
慘愴合寮寮
憫惜動宸陛

宸陛

手詔鑒丹忱硃批督臣摺尾

溫語慰同體

恩重命轉輕志苦甘如薺九頓出

丹墀感深惟雪涕

金陵石頭城城大守匪易吾弟氣素豪艱險曾不避武昌

捍水蓄勞心為撫字賑事竣超遷廣東粵東辦劇賊更拜

長纓

賜以清遠英德勦賊淨盡中丞葉公保奏屏藩莅江左安集先河次湖

南調任江藩欽使協揆杜公奏派南履任未煖席楚氛

河辦賑事竣還任而省城已戒嚴矣

已荐至巖巖制府公抵掌運才智提兵扼九江庫藏悉羅

致神礮五百餘盡數充武備上海購礮六百尊僅京帑六

十萬併取毋遺置部議三十萬給軍三十萬守城督師悉檄取之遺之以危城置

之於死地弟曰謹受命空拳奮攘臂爰集諸紳民慷慨陳

大義首嚴遷徙禁先以眷屬示捐貲峙糗糧練勇除戎器

甘苦與眾共賞罰無偏恣市月規模成力竭神已賴中丞

尙虛懷制軍出省中丞命莅此將軍實同志將軍名祥厚副都統名霍隆武金陵城陷

力戰死之長城信足倚電勉望置帥

置帥軍上游初議豈不壯舳艫亘千里江皖賴保障前茅

甫遇賊一戰總戎喪翩然乃退飛踉蹌奔兵仗匿迹歸白

門譁聲撼青嶂僉曰帥餌賊吾民復奚望城中十萬戶湍

決各奔放大府方閉閣猜嫌仍未忘中丞又徑去力挽不

同頑哀哉一腔血噴灑何所向將軍率同寮抗疏陳其狀

侵仇亭集卷三十二 八

誓與城存亾

天容亦悽愴赫然責失律

申命易大將忠魂竟不待骸骨委幽曠追思僨事繇後懦

而前亢若使謀乃進據險審所當縱退時猶紆援軍勢可

仰時向軍門自湖北統巖城民氣固內外力足抗弟借密

兵追賊已及九江糧練勇布置周密民不驚徙若前軍徐退小孤東各關儲

西梁山重險不徹則向軍援至勝負未可量也此錯竟

誰鑄此災實无妄鯨鯢遂窟穴燧火助波浪全家更有

定付江魚葬夢中吾弟在告別色惆悵痛哭向南天何時

見滌盪

再哭六弟是年六月上以臣弟宿藻歿於王事賜

卹部議加贈右都御史子三品廕生世佶以知州註冊

平生耽詩句憂樂常在口自從軍興來諷詠亦云偶又聞

吾弟喪如失左右手仲春一擲筆今已六月後填膺萬斛

淚心血不忍歐今日斯何日悲感到親友

九重恩詔下軫念嬰城守宿也歿王事臣力竭已久楚粵

有微勞

卹典特從厚部臣議加贈豸服褒居首延

賞及厥嗣亦得綰印綬大哉

生成德名立死不朽微軀感同氣

溫綸奉左右伏地涕雨零

殊施恐虛負臣弟幸有子今尙在田畝去冬世佶以考廕

全家飼豺虎一簣存培塿奴僕偶生還羸病委奔走似聞來京試畢歸里

骸骨收荒榛瘞沙阜男兒馬革裹志不死戶牖死者長已
矣生者餘衰醜鬢鬢千官裏已作獨行叟天高江海濶銜
勳酌杯酒詩成手自焚魂兮歸來否

流螢

窗北疏簾竹亂垂流螢終夜傍階墀漫云腐草無知識風
雨蕭蕭總不移

自題待漏圖

曝直樞垣十二載徵兵籌饗日紛紛盟心祇有廉泉飲造
膝元無諫草焚時事艱危餘涕淚簡編功過付傳聞夢回
漏箭聲聲急似聽江邊斷鴈羣

送族孫履巖還里

履仇亭集卷三十二

十

送汝還鄉里初寒十月天遙將兩行泪寄與老兄前陳力
吾衰矣思親獨黯然旌旗滿南國何日掃烽煙

題棣懷圖

沈侯惜我顏憔悴貌作豐頤方下人空有寒花仍對影豈
知夜雨獨傷神桑間十畝歸無計天外三山夢不眞留與
子孫好藏弄一回展卷一酸辛

癸丑除夕再題待漏圖

一著貂裘四十年而今鬢髮兩蕭然迴思走筆風檐下

余

五歲以待漏院詩受知
於學使陳雪香先生

可似搗衣玉漏前老去短檠空對

影古來高閣自凌煙干戈未息心猶壯敢問桑麻杜曲田

題詠莪少司馬癸丑歲詩稿三首

獻納論思有性情體裁風雅氣和平皋夔自是賡颺侶誰
識卿雲向日誠

歲莫懷人亦有由感時歎逝那能休若非杜老吟同谷定
是張公詠四愁

雀鼠谷鄰汾水陰闔閭城接大江深天涯一種思鄉夢南
北相望共此心

御賜學古有獲以勤爲本額書感

恩恭紀

咸豐四年春孟陬癸亥日

帝謂王大臣其祇領

御筆彩箋燦五色

緘仇亭集卷三十一

十一

寶墨光如漆四字寓

訓誠義取經史質拜

賜十三人諸王及樞密微臣荷殊榮感悚難具述學古乃

有獲傳嚴思良弼政以勤爲本亦如學時術兩幘邀

天題捧觀

神采溢樗庸忝

禁近疊躋清要秩

南齋染柔翰

三天窺祕帙何期一腐儒垂老侍

溫室島夷患未除憤激何時畢粵寇復跳梁南北數奔軼

仰貽

宵旰憂每恨師失律比年可度支軍餉何從出豈無飢溺
懷民困未由恤屢欲自劾去時危忍求逸所思惟致身所
職在造膝包容

主恩厚幸免卽罷黜迂愚久無補千慮未得一汲古乏修
綆循名媿責實恐負平生學守道有差失惟此運甕志書

楹時自怵

習勤朝運甕省過夜焚
香臣居室自書楹聯

天語誨諄諄驪珠照蓬華餘生勉策勵庶以保終吉

送三姪世齡歸里

思難難爲別重來未可知關山新戰後風雪早春時送汝
頻揮淚還家且寄詩吾衰休更念萬國正瘡痍

寄輓祝蘅畦宗伯同年

復仇亭集卷三十一

三

同譜君知我論交冊載中解頤匡鼎說排難魯連風清白
傳諸子光黃老此翁何由重把晤揮涕望長空

憶奉衰親日艱難仗友生豈惟貧病恤直取肺肝傾老去
恒憂國書來尙議兵不才媿無補何以慰交情

三月三日見屋後桃花感作

屋後桃花紅半妝三株連理一株傷低枝偃蹇將垂地細
蘂離披尙覆牆不道園林春去速可堪風雨夜來狂回思
爛漫繽紛處欲問仙津路渺茫

詠莪少司馬以近作見示賦荅

吟興今年勝去年春來退食已成編都將憂國深沈思付
與長言詠歎篇漫叟襟懷多寄託香山樂府總流傳感君

得句頻投贈白首相期志益堅

先大夫忌日感述

三月二十五日

自吾父見背今已四十年兒年六十二廿載違墓田感戀
朝廷恩時事值速遭

綸扉預機務農部籌貨泉粵賊日猖獗三載兵戈連楚吳
逮皖豫擾及吾鄉關復越上黨脊直犯析木躔藩王秉天
弧萬馬馳風煙大帥執金鼓禁旅何闐闐遂驅狐兔輩南
竄至河間阜城一小邑如魚待釜煎而彼鬼蜮徒渡河歛
來援連陷山東邑其勢更蔓延官軍豈不衆分之則力單
幸已扼其吭且聚而殲旃

皇仁拯民命發帑萬億千正供苦不足獎勵及輸捐數聞
哀痛

馮仇亭集卷三十二

三

詔感奮涕泗漣計臣媿無術搜羅力已殫籌饟則病民饑
缺兵散漫外閭仰內儲盈廷責當官當官屢上疏披瀝呈
肺肝明知無兩全得不救目前勞怨不遑恤憂憤相糾纏
人窮則返本疾痛則呼天哀哀吾父母生兒欲象賢貽之
以清白試之以險艱有弟已盡瘁以身捍民患白門歐血
地流涕盈市闐魂魄猶猶殺賊骸骨何時還兄老多疾病百
憂無一歡每恐忝所生常思保歲寒生離且死別焉用身
獨完丈夫老益壯豈爲兒女牽生逢

堯舜主誓欲格高頑今日是何日淚下紛汎瀾不歎歲月
逾但恨才力孱陳力不知止濟時良獨難乃知古人心史

乘難具傳覲縷寫衷曲窗外春風顛

再題憶松圖

聞道家園手植松舊游履跡碧苔封支離不改風霜勁長
養都憑雨露濃老去鳳鸞仍作伴春歸桃李若爲容偃佞
相遇應惆悵曾歷蓬山一萬重

復仇亭集卷三十一

西

